

bosansko-hercegovački magazin

EUROPPA

JULI 2015

Fašizam u nedoba
Intervju Refik Akova: Erdoğan i Izetbegović
ne vode računa o državama
Narkomanija, jedan od najvećih
problema današnjice



ISSN 1939-3423

0 74470 27004 1 07>

ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

6065 Lake Forrest Dr.
Suite 200
Atlanta, GA 30328



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Kolumna

Fašizam u nedoba

8 Bosna i Hercegovina

Finansijska konsolidacija pomogla firmama

u FBiH

18 Intervju

Refik Akova: Erdoan i Izetbegović ne

vode računa o državama

26 Društvo

Narkomanija, jedan od najvećih

problema današnjice

32 Nauka

34 Automobili

36 Muzika

38 Film

40 Showbiz

44 Zabava

46 Oglasi



Svim čitaocima islamske vjeroispovijesti želimo sretne i berićetne mubarek dane Ramazanskog Bajrama.

GLEDAJTE VAŠ OMILJENI PROGRAM



FASTV-kanal# 20

NETTV-kanal# 27

BOSNATV-kanal# 20

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900
fax: + 387 33 580 909
prodaja@hayat.ba
www.hayat.ba

PROUD MEMBER

Gwinnett Chamber 

Fašizam u nedoba

To što nam svijet, uoči 20. godišnjice genocida u Srebrenici, šalje jednodušne poruke o civilizacijskom imperativu da se obznanе i poštuju žrtve i priroda nasilja iz devedesetih - "onako kako je presudio Međunarodni sud pravde", a u više presuda i Tribunal za ratne zločine u Hagu - nosi prije svega univerzalne pouke o kulturi sjećanja i odgovornoj interpretaciji prošlosti u udžbenicima, školama i društvu.

Ali, ova globalna obrazovna inicijativa, u kojoj nam se, s autoritetom Savjeta bezbjednosti Ujedinjenih nacija i uz istovjetne rezolucije parlamenata brojnih država, poručuje kako svijet razumije i kako je pravno i istorijski definisao zlodjela oko Srebrenice kao genocid, nije samo odnos "međunarodne

njuje ili uvećava broj ubijenih u Jasenovcu i drugim masovnim stratištima; reprezentativac Hrvatske pozdravlja publiku nacističkim pozdravom, a navijači na terenu na kojem igra ta reprezentacija crtaju nacistički simbol; dok navijači Bosne i Hercegovine najprije u centru Beča, a zatim u Zenici iskazuju slijepu mržnju ne samo prema jevrejskoj državi - gaženjem izraelske zastave - nego i prema narodu sa skandiranjem "ubij, ubij, ubij Židova".

Na taj način se sami pridružuju onima kojima je potrebna civilizacijska lekcija o Srebrenici: ne možeš očekivati bezuslovno poštovanje za "svoje" žrtve ako se neljudski odnosiš prema "tuđim".



zajednice" prema domaćim poricanjima i pokušajima relativiziranja i falsikovanja događaja od prije 20 godina.

Ona je neophodna i zbog toga što se u našim podnebljima upravo ovih dana i godina, sa istim bezobzirnim nepoštovanjem za žrtve, reinterpreterira i retušira i istorija rata koji je završen prije punih 70 godina.

Dok je, recimo Njemačka, čiji je nacistički režim počinio najstrašnija zlodjela u zapamćenoj ljudskoj istoriji, danas svim srcem u prvim redovima civilizacijske osude fašizma i poklonjenja pred njegovim žrtvama, kod nas se u parlamentima i javnom životu sedam decenija kasnije rehabilituju ustaštvo i četništvo; prema političkim potrebama se nečovječno uma-

To me vraća aktuelnim poricanjima genocida u Srebrenici.

Iako se radi o zločinima neuporedivih razmjera, jer Jasenovac je bio dio nacističkog projekta holokausta u ustaškoj izvedbi, o Srebrenici postoji najšira saglasnost kao o "najvećem zločinu u Evropi nakon Drugog svjetskog rata", koji je pravosnažnim presudama najautoritativnijih međunarodnih sudova presuđen kao zločin genocida.

Tehnologija osporavanja u svojoj bezosjećajnosti za žrtve potpuno je ista: smanji broj "njihovih" žrtava - nerijetko za polovinu - i uvećaj što više broj "naših" žrtava i eto priče o "zločinima na svim stranama" i ideje da bi međunarodno usaglašeni narativ o genocidu mogao biti prihvatljiv kad bi se

govorilo da je tamo bio "genocid i nad Bošnjacima i nad Srbima" kako ovih dana sugerirše predsjednik Republike Srpske poništavajući tako svaki trag poštovanja za vlastitu posjetu Memorijalnom centru u Potočarima.

Mediji tu nisu tek ogledalo političkih osporavanja zločina: oni ne samo da upadljivo prenose takve izjave, sračunate na kopanje po nezaraslim ranama, nego i razrađuju tehnologiju "pola oduzmi-pola dodaj" u redakcijskim komentarima i u potrazi za sagovornicima koji će doprinijeti relativizaciji zločina.

Tako vodeći beogradski dnevnik ovih dana, citirajući uvaženog izraelskog lovca na naciste, u naslovu nudi istorijsko otkriće: "Srebrenica se nikako ne može porediti sa holokaustom".

Ne znam nikoga ko bi sa bilo kakvim akademskim, istraživačkim, pravničkim ili moralnim autoritetom mogao tvrditi suprotno - odnosno porediti Srebrenicu s holokaustom - kao što nemam ni najmanjeg saosjećanja s onima koji će se i povodom Srebrenice tješiti kako eto "nismo počinili holokaust" već "samo genocid".

Imao sam i lično priliku da, na mjestu najvišeg moralnog autoriteta i pred najpozvanijom publikom, govorim nešto o tim "bolnim paralelama" kako je bio naslovljen i moj tekst o tome u dnevniku Boston Globe.

Kao počasni govornik na otvaranju izložbe "Lica tuge" u Muzeju holokausta u Vašingtonu u jesen 1994., dakle prije Srebrenice, rekao sam kako nisam razgledao izložbu u Muzeju da bih tražio bilo kakva poređenja - jer je holokaust najstrašniji zločin u istoriji čovječanstva - ali da fotografije i dokumenti izloženi u Muzeju upućuju na bolne sličnosti sa

onim što se dešava u mojoj zemlji: ljudi u logorima bez ikakve krivice osim pogrešnog imena ili vjere; izgladnjela lica i tijela živih kostura; pokušaji da se pred nadolazećim zlom spase porodične dragocjenosti i slike najdražih; spaljivanje i rušenje bogomolja; čak i sudbina evropskih Jevreja na brodu St.Louis kojima ni Kuba ni Sjedinjene Države nisu odobrile iskrcavanje 1939. i morali su da se vrate u Evropu gdje je približno trećina njih nestala u holokaustu podsjeća me na moje Bosance izbjegle ispred noža koji čekaju na tovorenom na granicama ujedinjene Evrope nepoželjni jer iz spaljenih domova nisu donijeli ili nikad nisu ni imali putne isprave.

Za fašizam, bilo u razmjerama holokausta ili "samo genocida" ili "tek zločina protiv čovječnosti" - u savremenom svijetu ostaje samo prezir.

Piše: Kemal Kurspahić

LERO TRAVEL
Phone 404-660-0910

Enver Šejtanić



1405 Wheatfield Drive
 Lawrenceville, GA 30043

enver@lerotravel.com
 Save money Book online

www.lerotravel.com

BESPLATNE KONSULTACIJE I APLIKACIJE ZA OBAMACARE



- ☒ Predstavljamo brojne osiguravajuće kompanije
- ☒ Nudimo različite, povoljne polise i pokrivača
- ☒ Veliki popusti: auto+kuća, dobri vozači, dobri studenti
- ☒ Besplatne konsultacije i pomoć pri odabiru prave polise
- ☒ NAZOVITE ILI ZAKAŽITE TERMIN DANAS!

INSURANCE: AUTO – HOME – HEALTH – LIFE – COMMERCIAL










1685 Old Norcross Rd, 900B
 Lawrenceville, GA 30046
 TEL: 770-277-3830
 FAX: 770-277-3840



Brexit je nova prijetnja Evropi

Jedna drama još nije prevaziđena, a već prijete sljedeća: britanski premijer želi da u Briselu iznese svoje zahtjeve za nove pregovore o odnosima Velike Britanije sa EU. Da li je to početak Brexita?

“Ovo je prekretnica”, rekao je Dejvid Kameron prije početka samita sa svojim evropskim kolegama. Ne zato što još uvijek u pitanju sudbina Grčke ili izbjeglica, već zato što će on prvi put iznijeti svoje uslove za ostanak Velike Britanije u EU. Pritom, niko od njegovih kolega nije uopšte ni pomenuo ovu tačku dnevnog reda, a i kraljica mu je pokvarila plan.

Na državnom banketu u Berlinu kraljica je upozorila: “Mi znamo da je podjela Evrope opasna i da moramo tome da se suprotstavimo, kako na Zapadu tako i na istoku.” U zavisnosti od političke obojenosti britanski listovi su to interpretirali kao opomenu Kameronu da Britaniju svakako zadrži u EU ili - kako su komentatori na drugom kraju spektra zaključili - kraljica želi da ubijedi učesnike samita da zadovolje britanske zahtjeve. Portparoli Bakingsamske palate su potom ukazivali na “nepolitičku ulogu” kraljice. Tako da je zapravo nejasno, da li Elizabeta II suptilno ometa ili podržava premijera.

Kameron prvi put iznosi svoje zahtjeve

Kolege su mu dale pola sata da kaže šta ima, za vrijeme večere - i to kad se posluži desert. Ali, šta hoće Dejvid Kameron? Moraće dobro da razmisli kako da nastupi: ako bude suviše precizan, onda bi protivnici EU u njegovoj stranci i u evro-kritičkoj UKIP kasnije mogli da ga „ucjenjuju“ sa listom

zahtjeva koje nije uspio da ostvari. Ako bude previše nejasan, ostalim Evropljanima će biti teško da iznađu kompromis. Jasno je samo da na samitu EU pred Božić, moraju biti iznijeti prvi prijedlozi rješenja britanskih zahtjeva.

Ovaj postupak bi Kameronu omogućio da uskoro, odnosno u jesen 2016. godine održi referendum o ostanku ili izlasku iz EU. Jer, 2017. je za to krajnje nepovoljna: izbori u Njemačkoj i Francuskoj. Pored toga, Britanci su na redu da preuzmu rotirajuće predsjedavanje EU. A kako to da rade ako budu na pola puta ka izlasku...

Koliko “reformne” želi Kameron?

Gledano realno-politički Kameronu je najvažnije da zaustavi dolazak imigranta. Međutim, njemačka kancelarka i francuski predsjednik su već odbili da se ograniči sloboda kretanja. Dakle, Kameron je u potrazi za formulom koja imigraciju iz EU ograničava na određenu radnu snagu. To bi pravno moglo da bude vrlo rizično.

Nešto lakše je ispuniti želju za promjenama u oblasti socijalnih davanja: tu je i onako mnogo toga moguće u nacionalnim zakonima, a Kameron će imati podršku mnogih drugih vlada EU, kao što je Danska.

Sljedeća tačka je da London kao finansijski centar, nema štete od sve većeg zajedništva zemalja evrozona. I tu je rješenje moguće, pogotovo što ga podržavaju i ostale članice EU koje nisu u evrozoni.



© picture-alliance/ EPA/A. Rain

Kompletiranje unutrašnjeg tržišta i trgovinske sporazume kao TTIP Angela Merkel, bi odmah potpisala – ali ni za jedno ni za drugo ne može da garantuje da će biti gotovo do jeseni iduće godine.

Prilično nejasan je zahtjev za vraćenje nadležnosti sa Brisela na London. Britanski EU-skeptici su tu smjestili svoju ideju nacionalnog samoopredjeljenja. Ipak, moramo da sačekamo i vidimo i druge izuzetke i šta Kraljevstvo zapravo želi.

Na kraju, radi se promjenama simbolične političke vrijednosti: britanska vlada želi da bude izuzeta iz "sve tješnje unije", razvoj kakav je predviđen Ugovorom o EU. Vjerovatno je s tim u vezi zamisliva neka vrsta dodatnog protokola kojim se državama članicama daje pravo da odluče o tome da li će u nečemu da učestvuju ili ne.

Referendum je prije svega unutrašnjopolitički problem

U okviru gore opisanog, zamislive su razne vrste kompromisa. Međutim, promjene Ugovora EU nisu moguće do jeseni 2016. godine. "Tako nešto bi trajalo mnogo godina", izjavio je predsjednik Evropskog parlamenta Martin Šulc.

Šulc je takođe rekao da je Kameronov glavni problem kod kuće u sopstvenoj stranci, gdje protivnicima EU nikakav kompromis neće biti dovoljno dobar.

Njemu je slično kao Ciprasu u Grčkoj. Samo što drugi Evropljani mnogo manje strahuju od Grexita nego od Brexita. Specijalne želje Britanaca mogle bi da znače početak nove krize u EU, i to tek što se okonča jedna drama.



Sabina Mortgage, Inc.

Mi kreiramo zajmove prema Vašim potrebama

703-537-5426

Nudimo čitav spektar programa koji uključuju:

COMMERCIAL LOANS – ZA KUĆE ZA RENTANJE

MULTI-FAMILY, MIXED USE, OFFICE, RETAIL

WEARHOUSE, STORAGE, AUTO SERVICE

RESIDENTIAL LOANS IN VIRGINIA KOJI UKLJUČUJU: CONVENTIONAL, FHA, VA, JUMBO, NO-MI-LOANS

MINIMALNA DOCUMENTACIJA NA COMMERCIAL LOANS I VEOMA ATRAKTIVNE KAMATE!

Sabina Mortgage, Inc. Licensed in Virginia - NMLS #499850

2984 Trousseau Lane, Oakton VA 22124

Email: sabina@sabinamortgage.com

website: www.sabinamortgage.com

Finansijska konsolidacija pomogla firmama u FBiH: Riješena većina problema

Vlada FBiH početkom godine odobrila je pokretanje postupka finansijske konsolidacije pojedinim preduzećima iz Federacije. U tom programu našle su se firme kojima je konsolidacija bila prijeko potrebna, ali i one kojima je malo manje bila potrebna, ali je svakako dobro došla.

Prinudna naplata

Međutim, nakon nekoliko mjeseci od odobrenja konsolidacije, zanimalo nas je koliko se ona ustvari provodi, te smo to provjerili sa nekim firmama koje su obuhvaćene ovim programom.

Finansijska konsolidacija Mapexa iz Maglaja odobrena je s ciljem osiguranja likvidnosti poslovanja i obuhvata izmirenje dugovanja na teret kapitala društva na osnovu doprinosa za zdravstveno osiguranje, u iznosu od 207.728 KM i doprinosa za osiguranje od nezaposlenosti, u iznosu od 11.621 KM.

Nefud Smajlagić, direktor Mapexa, kazao je što se tiče njegove firme, konsolidacija još nije zaživjela.

- Da ste me nazvali prije pet - šest dana rekao bih da zakon još nije u potpunosti proveden i da se nadamo da će biti, međutim pošto smo blokirani već nekoliko dana, a mislio sam da nećemo biti, onda govorim da ne vidim neke koristi od

njega. Obratio sam se federalnom Ministarstvu za poljoprivredu, vodoprivredu i šumarstvo, jer se protiv firme koja uđe u konsolidaciju ne može vršiti prinudna naplata, međutim, trenutno je Mapex blokirani jednim izvršenjem za neplaćenu koncesiju, kazao je Smajlagić.

Zbog blokade su se žalili, međutim, ta žalba ne odlaže izvršenje blokade.

- Ministarstvu sam se obratio pismeno da mi odgovore u vezi s ovom blokadom i oni su to dobili prije desetak dana, zvao sam ih neki dan i rekli su da razmatraju i da bih uskoro trebao dobiti odgovor, dodao je Smajlagić.

Preduzeće Olimp iz Gračanice tražilo je finansijsku konsolidaciju za izmirenje dugova Zavodu za zdravstveno osiguranje i za osiguranje od nezaposlenosti i u tom pogledu je trebalo da dođe do prebijanja međusobnih obaveza, s obzirom na to da je Olimp kod Zavoda za zdravstveno osiguranje imao potraživanja po osnovu refundacija preko 600.000 KM.

- Sve što je bilo do nas urađeno je i uglavnom su riješeni problemi koje smo imali. Došlo je do poravnanja obaveza koje smo imali prema Zavodu zdravstvenog osiguranja i Zavodu za zapošljavanje i sad čekamo da se riješi i pitanje otvaranja



računa, što je trebalo da bude pitanje Vlade. Svaki mjesec informišemo federalno Ministarstvo energije, rudarstva i industrije, po pitanju toga šta smo uradili, kazao nam je Hazim Hasinović, direktor Olimpa.

Poslovi

Konsolidacija je ovoj firmi, kako je kazao Hasinović, pomogla u jasnijoj finansijskoj slici, jer se radilo o problemima koje nisu mogli sami rješavati. Sada Olimp funkcioniše i radi sasvim normalno, a kako je kazao Hasinović, nedavno su zaposlili 30 novih radnika i neće se zadržati na tome.

Za Helios iz Banovića odobreni postupak finansijske konsolidacije obuhvata izmirenje dugovanja nastalog do 30. septembra 2013. godine u ukupnom iznosu od 57.054 KM - po osnovu doprinosa za zdravstveno osiguranje 18.829 KM i doprinosa za osiguranje od nezaposlenosti 38.224 KM.

Fadil Halilović, direktor Heliosa, kazao je kako je do sada urađeno mnogo toga. Napravili su sporazum sa Zavodom za zdravstvo, te čekaju da se okončaju i neke druge sitne stvari. Dakle, ostalo je samo da se potpiše sporazum, verifikuje i da se okonča taj postupak.

- Konsolidacija nam je mnogo pomogla, riješili smo uglavnom probleme koje smo imali i pred nama su brojni poslovi. Već imamo nekih ugovorenih poslova, a neki su u najavi. Očekujemo da bismo mogli imati nekih većih ugovora, posebno što se tiče uslužnih djelatnosti mašinske obrade, a imamo u planu i rad sa rudnicima, malo se razvijamo i u tom smjeru, kazao je Halilović, te dodao kako ova firma svoje proizvode plasira u Hrvatsku i Sloveniju, te kako se otvaraju mogućnosti rada i sa Češkom i Francuskom.

Advance Dental Center

Dr. Ali Rajai, DDS

770-751-8800

We Provide:

- Braces for children and adults
- Dental Implants
- Root Canals
- Crown/Bridge
- Partials/Dentures
- Cosmetic/Fillings
- Extractions/Wisdom Teeth Removal
- Treatment of Gum Disease
- No insurance? No Problem
- New Patient Adults Exam and X ray \$59.00
- New Patient Under 14 Exam, X ray, and Cleaning \$99.00
- Teeth Whitening New Patient \$150.00 (Take Home)
- SUMMER SPECIAL FOR BRACES (MAY, JUNE, JULY, AUGUST) only \$3499.00**

Most insurance accepted

6 months no interest using Care Credit

11670 Jones Bridge Rd. Suite C Johns Creek, Georgia 30005

Need help with your language?

Bosnian call Monday 9:00am-1:00pm

Russian call Friday 9:00am-6:00pm

bosna i hercegovina

REALTY PROFESSIONALS

BUYING • SELLING • LEASING

RESIDENTIAL • COMMERCIAL



ARMIN MEHMEDOVIC

(404) 512-0509

arminsellsatlanta@yahoo.com

BH Airlines pred gašenjem

Bosanskohercegovačka aviokompanija BH Airlines je pred gašenjem. Avio linije su obustavljene 11. juna. Račun je blokiran od aprila. Radnici nisu dobili plaće više od četiri mjeseca. Dok novi predsjednik Vlade Federacije BiH, u čijem je vlasništvu ova kompanija, ocjenjuje da je višemilionski dug gotovo nemoguće riješiti, članovi granskog sindikata stečaj i likvidaciju smatraju neprihvatljivom.

Predsjednik Vlade FBiH Fadil Novalić, saopštio je nakon posljednje sjednice federalne vlade da je donesena odluka o stečaju nacionalnog avio prevoznika BH Airlines. Novalić navodi da su dugovi toliko narasli da Vlada nema mogućnosti riješiti problem. On objašnjava da kompanija godišnje pravi dug od 10 miliona maraka (5 miliona eura) te da bi trebao čarobni štapić da se situacija riješi.

“Vlada Federacije BiH ima 6,2 miliona maraka za rješavanje tog problema, a problem je 35 miliona. Ako neko ima 35 miliona maraka da da BH Airlinesu on će letiti, ako nema on neće letiti. Ili ako se potražioc dugovanja odreknu svojih po-



traživanja on će letiti u protivnom neće”, kaže Novalić.

Najveći procenat duga odnosi se na potraživanja kompanije za upravljanje imovinom i potraživanjima HETA ASSET RESOLUTION BiH, u iznosu od 15 miliona maraka (7,5 miliona eura).

Zbog nemogućnosti vraćanja duga u aprilu su BH Airlinesu blokirani računi. Radnici za to krive Vladu FBiH kojoj su, kako kaže predstavnik sindikata radnika Elvis Žiga, prebacivali zaradu kompanije na poseban račun.

“To je novac od odlazećih putnika. Znači zarađen novac. Za prošlu godinu on iznosi negdje oko 5,14 miliona maraka i taj novac liježe na poseban račun vlade FBiH. Od tog novca ni u prošloj ni u ovoj godini mi nismo dobili ni pfeninga.”

Tako su radnici ostali bez plaća, a ni doprinosi im nisu uplaćivani godinama. Neki od njih odlučili su posao potražiti drugdje. Amir Baralić, kapetan BH Airlinesa navodi da je do sada kompaniju napustilo 10 pilota, šest kapetana i četiri koptilota koji su se zaposlili u nacionalnim kompanijama Indije, Turske, Srbije, a osam preostalih će vrlo brzo pronaći posao.

Šekib Avdagić, predsjednik Skupštine Trgovinske komore Istanbula spomenuo je BH Airlines kao primjer lošeg poslovanja, pa i trenucima kada je Turkish Airlines pokušao investirati u ovu bh. avio kompaniju.

“Na žalost, još jedan loš primjer u Bosni i Hercegovini je onaj o Turkish Airlinesu. Ovoj kompaniji nije bilo prvo u cilju da dođe i zaradi novac, već da podrži BH Airlines i da zajednički ojačaju linije koje ima BH Airlines kao co-share letovi.

Na kraju krajeva, kompanija Turskih Airlines se sa 25 miliona dolara u minusu vratila u Istanbul. Ako tadašnji predstavnik Turkish Airlinesa više od dva mjeseca nije mogao da ugovori sastanak sa bosanskim ministrom za saobraćaj, onda izvinite, ali ja kao biznismen to ne mogu prihvatiti, to je neshvatljiva stvar.”

Loše poslovanje i loša menadžerska politika rezultirali su otkazivanjem 100-tinjak ugovora u ovoj godini, kaže predstavnik sindikata kompanije Elvis Žiga:

“Imali smo ugovorenih 170 čarter letova za ovu godinu. Do sada smo realizovali 58, ali zbog novonastale situacije morali smo raskinuti ugovore.”

Ovo su posljedice, no problemi se gomilaju posljednjih 10 godina. Počeli su, kaže bivši ministar prometa i komunikacija FBiH Enver Bijedić još 2005. godine kada je sa HIPO lizingom sklopljen štetan ugovor o kupovini dva jedina aviona koja BH Airlines koristi.

“Uzeto je 18,4 miliona dolara, da se za 10 godina vrati HIPO lizingu 25 miliona dolara, nakon čega ti avioni ostaju u vlasništvu HIPO lizinga. Druga klauzula ugovora ostavila je mogućnost da se ove 2015. godine za svaki avion HIPO lizingu plati još dodatnih 1,3 miliona i nakon toga će ti avioni biti naši. Po meni je to bio štetan ugovor. Druga stvar, prema mojim saznanjima, avioni koji su tada plaćeni 9,2 miliona koštali su ispod osam miliona dolara, znači tri miliona su negdje nestala.”

Tadašnji ministar prometa Nedžad Branković prošle godine je izjavio da je taj ugovor u datom trenutku bio najbolje rješenje.

“To je uobičajen finansijski aranžman za angažovanje aviona i tu je ostavljeno kompaniji na izbor hoće li otplatom ostatka vrijednosti postati vlasnik aviona ili će nakon deset godina kupiti nove avione. Činjenica da su ljudi 10 godina zarađivali plate na tim avionima govori kakav je to ugovor bio.”

Nakon toga uslijedilo je četverogodišnje partnerstvo sa jednom od najjačih aviokompanija Turkish Airlines, koje je BH Airlinesu nanijelo višemilionsku štetu, navodi Bijedić.

“Druga strana tu nije imala čiste namjere. Otvarale su se pogrešne avionske linije. Deset linija je otvoreno i zatvoreno s tim da su izvukli dobre linije sebi, a da smo mi služili kao pokusni kunić za ispitivanje tržišta. Samo tim pogrešnim linijama načinjena je šteta BH Airlinesu od nekoliko miliona KM. Osim toga prestali su plaćati kredit HIPO lizingu na šta su se obavezali ugovorom, zbog čega smo godinu dana nakon toga bili blokirani.”

No, sve se to moglo na vrijeme spriječiti kažu radnici, da Vlada FBiH nije imala maćehinski odnos prema ovoj kompaniji. Dok je bilo prilike za izvlačenje kapitala iz većinski državne firme, do tada su i avioni sa bh. zastavom letjeli, barem na nekoliko destinacija. Kada je kasa presušila, kompanija je stavljena na spisak za gašenje.

Iz sindikata BH Airlinesa navode da ukoliko se firma ugasi, za ponovno uspostavljanje avijacije u Bosni i Hercegovini trebalo bi minimalno 10 godina.

Osman "Cico" Vujinović

VIRTUAL PROPERTIES REALTY

cell: 404-550-8054
 fax: 404-641-1831
 e-mail: osmanvu@gmail.com

Specijalnosti:
 bankovne kuće,
 foreclosure i HUD kuće

Style TRAVEL USA

tel > 1.773.525.4889
 fax > 1.773.435.6753
 e-mail > info@styletravelusa.com

<4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii

< www.styletravelusa.com >

Senad i Sevleta Čamdžić

Eurotel Agencija

PONOVO NAJBOLJI!

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran Isti dan

717-245-8552

NAJPOVOLJNIJE CIJENE!

Bosna	samo 8.9 c/m!	Zovi!
Srbija	7.9 c/m	
Hrvatska	samo 4,9 c/m!	Koristi!
Crna Gora	9.9 c/m	
Makedonija	7.9 c/m	Uštedi!
Zapadna Evropa	1 c/m!	

Tvrđnje prosvjetnih radnika: Država 'provodi' politiku iseljavanja bh. mladih

Ove godine u Tuzlanskom kantonu (TK) će u srednju Medicinsku školu biti upisano oko 1.000 učenika. Druge srednje škole, poput onih tehničkih, dovedene su pred gašenje. Učenici čak više ne upisuju ni gimnazije. Razlog zašto postoji ovolika zainteresiranost za medicinsku školu je što se svi mladi vide van granica ove zemlje jer Zapad traži medicinske sestre i tehničare. Gore od ovoga je što politika i vlast podržavaju iseljavanje mladih.

Dvije stotine i pedeset profesora i nastavnika ove godine u TK ostaje bez posla. Proglašeni su tehnološkim viškom. Trgovačka škola upisala je tek dva učenika, a lukavačka Gimnazija koja je ove godine ispratila stotinjak učenika upisala je jedva njih dvadeset.

S druge strane svi učenici žele u Medicinsku školu. Svi koji su željeli su i upisani, iako će doslovce raditi u neuvjetima, odnosno po drugim školama i improviziranim učionicama. Sindikat srednjeg obrazovanja oštro se ovome usprotivio. Smatraju da je obrazovni sustav u TK potpuno urušen.

"Mi ne želimo biti egzekutori u politici iseljavanja niti u obrazovanju koje potiče iseljavanje. Mi ne želimo da nam se druge škole u Kantonu gase, posebice stručna zanimanja, a da mi ovdje besplatno obrazujemo kadrove i jeftinu radnu snagu za tržište zapadnih zemalja", rekao je Admir Terzić, predsjednik Sindikata

Sve te buduće medicinske sestre i tehničari ne vide se u

Bosni i Hercegovini. Tome svjedoči podatak da je na Zavodu za zapošljavanje u Tuzli prijavljeno 1.500 medicinskih sestara i tehničara. Profesori kažu sve je to posljedica najprije loše obrazovne politike koja ovdje nikada nije dobila nikakvu ozbiljnu strategiju, kao i zbog nejasne politike razvitka zemlje.

"Ja sam profesor u Gimnaziji i umjesto da potičem mlade da ostaju, ja sam rekao svojoj kćerki koja je magistrica nauka da ide odavde. Ja dajem znači loš primjer, ali šta ću kada joj je bolje svugdje nego ovdje", kaže Uzeir Spona.

Vi se sjećate vremena kada su profesori bili elita. U kakvom su položaju danas?

Spona: U vrlo lošem položaju. Vidite gdje sam danas došao i kakav sam. Znae, imam komšiju koji radi u komunalnom. Ne omalovažavam, svi smo mi ljudi, ali znate ono kada kažete da je neko komunalac. Ali, da uđete u njegov stan i moj, mislili biste da je suprotno. Eto u takvom smo mi danas položaju.

Što vi kažete onda svojim učenicima?

Spona: Ja im kažem da ostanu, ali poslije mislim kako sam bio neiskren, jer svugdje je bolje nego ovdje.

Osim ovoga profesori nam pričaju da brojne škole nemaju ni osnovne uvjete za rad, neke čak ne zadovoljavaju ni higijenske kriterije, a kamoli one obrazovne.

"Iskreno da vam kažem ja sam profesor praktične nastave. Predajem elektromehaničarima. Nemam uopće žice za rad, nemam izolir trake, nemam instrumenata, nemam nikakvih



učila. Moja se nastava zasniva samo na teoriji. Ni učenici nemaju nekog motiva. Samo gledaju da dobiju dvicu i sa time su završili. Od, primjerice, 30 učenika možete reći da su dva ili tri spremna za rad, ostali završe školu reda radi", kaže profesor Sabid Žilić.

Sve ovo govori da bi društvo u Bosni i Hercegovini za deset godina moglo imati ozbiljan problem zbog posljedica loše obrazovne politike, odnosno politike koja je obrazovanje svela na ništicu.

"Vlada se ne brine uopće o nama, odnosno brine kako će nas što više iseliti. Ovakvom urušavanju obrazovanja se mora stati u kraj. Mora se stvoriti jasna strategija obrazovanja, ali da je stvaraju stručni ljudi iz obrazovanja. Međutim, kod nas to rade svi osim ljudi koji se bave obrazovanjem", kaže profesorica Selma Muhić.

Profesorica srednje Kemijske škole Amela Isanović smatra da Tuzla ima ozbiljan problem sa mladima koji, prema njenim riječima, polako gube identitet.

"Ovo je problem roditelja, države, cijelog sistema. Ovo postaje problem nacionalnog identiteta. Imamo odavno bijelu kugu. Trenutno imamo masovan trend iseljenja. Niko ovom problemu ne pristupa ozbiljno. Mi imamo izuzetno slabe uslove školovanja. Medicinska škola radi bez laboratorijskih vježbi. Ti ljudi u Medicinskoj školi su proplakali, jer imaju 40 učenika u razredu i to su nemogući uvjeti za rad", navodi Isanović.

I profesor Anel Kovačević tvrdi da procesi koji se u BiH

događaju ne donose išta dobro.

"Obrazovanje vam je ovdje odavno na niskim granama. Mi na to stalno upozoravamo, ali nas niko ne sluša. Umjesto da nešto zajedno napravimo, oni nam zadaju još jedan nizak udarac. Djecu tjeraju iz zemlje, a nama gase škole i omalovažavaju obrazovanje", ističe Kovačević.

Na nezadovoljstvo stotina profesora, na ozbiljne kritike svojih kolega, ministrica obrazovanja Mirsada Begović ne gleda sa zabrinutošću. Tvrdi, odluku o velikom upisu učenika u Medicinsku školu je donijela pod pritiskom boračkih udruženja. Tako, umjesto Ministarstva obrazovanja čiji savjetnici i uposlenici primaju plaće upravo za uspostavljanje što kvalitetnijeg obrazovanja, u TK obrazovnu politiku kreiraju sada branitelji.

"Ja sam popustila pod pritiskom demobilisanih boraca. Međutim, na ovakav način nije dobro donositi nikakve odluke. Sada imamo situaciju da su se upisali učenici u Medicinsku školu i Gimnaziju koji prema ranijim kriterijima se ne bi mogli upisati", rekla je ministrica obrazovanja Mirasad Begović.

I ne samo da u TK obrazovanje ovisi od onoga što branitelji kažu, nego ovdje se obrazuju kadrovi za bolnice i staračke domove zapadnog tržišta.

Također, u Tuzli, u univerzitetskom gradu, prije nekoliko dana Ministarstvo obrazovanja dalo je suglasnost za otvaranje još jednog privatnog europskog univerziteta kojem je, uzgred rečeno, u Brčkom zabranjivan rad.

Organizujemo svadbe i slavlja

Živa muzika petkom i subotom

Neno's Tavern Upgrade Under new Management
New menu (also traditional food)
Friendly environment
Live Music

Private events
-Weddings
-Birthday Parties
-Baby showers

Poker night tournaments
Monday, Wednesday, Friday

Great customer service
For all another information or any questions or concerns feel free and to contact us

NENO'S TAVERN

Služimo sve vrste alkoholnih pića FULL BAR
Pušenje dozvoljeno!

Nenos's Tavern
Restaurant and Bar
3315 Sugarloaf Pkwy, Suite 1
Lawrenceville, GA 30044
Tel: 678-620-3134
Owner: 470-349-9980
Manager: 678-557-0673

State Department kritikovao ID, Rusiju, Azerbejdžan

Novi izvještaj američkog State Departmenta o ljudskim pravima snažno je kritikovao militante Islamske države, kao i vlade Rusije, Irana i Azerbejdžana za kršenje ljudskih prava.

U svim državama našeg regiona korupcija na najvišem nivou ključni je problem kao i pristici na medije. Redovni izvještaj o poštovanju ljudskih prava širom svijeta, navodi da je jedan od najuočljivijih trendova u 2014-toj, brutalnost militanata Islamske države u Siriji i Iraku prema jazidskoj manjini, kao i hrišćanima, Turkmenima, ali i šiitskim i sunitskim muslimanima koji im se ne pokoravaju i ne pristaju na njihove ekstremističke aktivnosti.

Isto tako u izvještaju je podcrtana nesposobnost iračke vlade da obuzda nasilne i kriminalne akcije provladinih šiitskih milicija u takozvanom narodnom mobilizacijskom komitetu koji pomaže vladi u borbi protiv militanata Islamske države.

Državni sekretar SAD John Kerry je predstavljajući izvještaj rekao:

„Terorizam je ozbiljna prijetnja ljudskim pravima. Konflikti su druga. Činjenica radi u 2014-oj, zabilježili smo pogoršanje stanja ljudskih prava u državama kao što su Centralnoafrička Republika, Irak, Libija, Somalija, Južni Sudan, Sirija i Ukrajina, koja je postala žrtva svog susjeda Rusije.“

Ruska vlada druga je na udaru snažnih kritika ne samo zbog kršenja ljudskih prava unutar granica Rusije već i zbog aneksije ukrajinskog poluostrva Krim, kao i njene uloge u sukobu na istoku Ukrajine, gdje aktivno pomaže proruskim separatistima. Ruski politički sistem se u izvještaju kvalifikuje kao „rastuće autoritaran“, sa uvedenim setom novih mjera čiji je cilj represija nad disidentima u zemlji.

Podcrtava se zakon o stranim agentima, zakon protiv ekstremizma i druga sredstva kojim se uznemiravaju, pristiskaju i diskredituju ili procesuiraju svi koji su kritički nastrojani prema aktuelnoj ruskoj vlasti.

Poseban je problem zakon protiv ekstremizma koji se koristi za procesuiranje religioznih manjina, a posebno je usvojeno nekoliko zakona protiv LGBT populacije. Navodi se da je korupcija u Rusiji „široko rasprostranjena kroz izvršne ovlasti i pravosudni sistem na svim nivoima vlasti.“

Takođe su na Krimu kritikovane „ruske okupacione vlasti,“ zbog pritiska na tatarsku zajednicu, još neke religiozne manjine i sve koji se protive okupaciji, a navodi se i da su zbog pritiska na njih, mnogi bili prisiljeni da odu.

Piše i da su ruske snage i separatisti koje podržavaju takođe granatirali urbana naseljena područja gdje su počnili „veći broj teških kršenja ljudskih prava“ na istoku Ukrajine uključujući ubistva i otmine.

U izvještaju za Ukrajinu potencira se i odgovornost svrgnutog predsjednika Viktora Janukoviča, za nasilje policije nad demonstrantima tokom protesta koje je u januaru 2014., uzorkovalo smrt više od 100 ljudi. Takođe je rečeno da je zbog sukoba na istoku Ukrajine pet miliona ljudi uskraćeno za „pristup obrazovanju, zdravstvenoj zaštiti, domovima i mogućnosti da žive u društvu vladavine prava“.

Oštro su kritikovane i vlasti Azerbejdžana zbog zloupotrebe pravosudnog sistema za kažnjavanje disidentna, novinara, te aktivista za zaštitu ljudskih prava zbog ukazivanja na široko rasprostranjenu korupciju u društvu.

Zabilježen je značajan porast politički motivisanog pritvaranja bez suđenja a potom dugotrajnog prethodnog postupka „osoba koje vlast doživljava kao njihovu prijetnju“

U Azerbejdžanu je takođe zabilježeno fizičko nasilje u vojsci i u zatvorima, a kako navode, uslovi u zatvorima su čak i „prijetnja po zdravlje zatvorenika“.

I ostale bivše sovjetske države poput, Bjelorusije, Kazahstana, Kirgistan, Turmenistana, Tadžikistana, Uzbekistana ili Armenije, kritikuju se zbog sistematske korupcije i sistematskog kršenja ljudskih prava i građanskih sloboda i proganjanja kritičara vlasti.

U Avganistanu se uz kontinuirane napade islamskih militanata bilježi porast nasilja nad novinarima i ženama, ali se primjećuje i da same avganistanske snage bezbjednosti učestvuju u kršenju ljud-

skih prava, ne samo militanti. Problem marginalizacije žena u društvu popravio se u 2014-toj, ali unutrašnja i regionalna dešavanja i dalje doprinose tome da je biti žena u Avganistanu „veoma opasno“.

Iran se oštro kritikuje zbog uskraćivanja slobode govora, medijske slobode kao i visokog broja izvršenja smrtnih kazni, po čemu je Iran druga država sa najvećim brojem egzekucija na svijetu.

U državama našeg regiona korupcija na najvišem nivou i pritisci na medije među glavnim su problemima koje se podcrtavaju u izvještaju State Departmenta o stanju ljudskih prava u 2014.

Kako je rekao, američki državni sekretar John Kerry, neke vlade koje se pominju u ovim izvještajima su među ekstremnima, poput onih u Sjevernoj Koreji ili Siriji, ali su isto tako tu i neke sa kojima SAD, kako je rekao, blisko saraduju.

„Ali želim da kažem nešto važno o tome. Nelagoda koju ovi izvještaji ponekad proizvedu nekada budu i uzrok jačanja, a ne podrivanja vrijednosti i kredibilitnosti ovakvih izvještaja. Istina se ne može uspješno izbjegavati, niti zatvoriti, niti poraziti. Ne tokom vremena. Može se promijeniti. Istina uvijek izađe na vidjelo“, poručio je John Kerry.





FASTV

NOVO HAYAT PAKET OD SAD NA FASTV!



za samo **\$20**

Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

Grčka: Vizionari koji su razočarali

Syriza je stupila na vlast s ambicijom da sve promijeni i učini boljim. Pritom je lijeva Tsiprasova vlada u iznenađujuće puno tačaka konzervativnija od svojih prethodnika

“Naš najviši cilj je sreća grčkog naroda”, izjavio je jedan visokopozicionirani član atenske vlade u najužem krugu: “Želimo da ljudi navečer idu mirno spavati, bez brige o računima koje će sljedećeg dana pronaći u svojim poštanskim sandučićima.” Na pitanje ko bi trebao financirati slatke snove Grka, taj političar iz redova Syrize nije odgovorio tako elokventno. Europski partneri, rekao je, iz političkih se razloga neće usuditi riskirati “grexit”. Već te izjave još jednom pokazuju kakvu podjelu uloga Tsiprasova ekipa želi nametnuti svijetu: Atena je nadležna za populističke vizije, Bruxelles i Berlin za njihovo financiranje.

Dramatično stanje državnih financija

Kratko uoči isteka aktualnog programa pomoći krajem juna, vlada Syrize bi zapravo trebala shvatiti da njezina čudna taktika nije upalila: privatno gospodarstvo je na koljenima, država mora skupljati svaki cent kako bi mogla platiti plaće i

mirovine. Nakon Zambije, sada je i Grčka molila MMF za odgodu otplate rata kredita koje stižu na naplatu.. Stanje je, čini se, još dramatičnije nego 2010. kada je tadašnji premijer Giorgos Papandreu iz luke jednog pitoresknog otoka zamolio međunarodne partnere da spase njegovu zemlju od bankrota. Pet godina kasnije Tsiprasova vlada izvlači navodno zadnji adut iz rukava: “raskid s partnerima”, ako ovi ne budu spremni popustiti u svojoj politici štednje.

Pritom sami Grci imaju sasvim drukčije mišljenje. Prema najnovijoj anketi 77 posto ispitanika ne želi raskid, nego dogovor s partnerima!

Isto tako 77 posto ispitanih je za ostanak u eurozoni, a čak svaki drugi Grk je za postizanje dogovora prema uvjetima najmodavaca. S obzirom na ove brojke i neovisno o svim prijetnjama Atene, najvjerojatniji scenarij je biti postignut sporazum koji će malo olakšati financijsku situaciju Atene. Ali to ni u kojem slučaju neće biti rješenje grčkih problema: i prethodne vlade su proteklih godina postizale sporazume s partnerima i potpisivale ih, ali bi samo dio njih uspjele provesti u djelo - a i to često nedosljedno.



Dramatika grčkog slučaja počiva na istovremenom pojavljivanju više problema: prvo eurozona kao cjelina, dakle, kao prostor zajedničke jake valute, ali bez zajedničke financijske politike, ima strukturni problem koji se manifestira na čitavom jugu Europe koji posrće.

Drugo, grčke vlade su u proteklim desetljećima pred očima svojih europskih partnera svojom nediscipliniranom i rasipnom financijskom politikom dovele zemlju u današnju slijepu ulicu.

I kao treće, Atena ima teške strukturne probleme i deficite u modernizaciji koje vuče već desetljećima. Nije trebalo čekati da dođu omraženi tehnokrati MMF-a pa da kažu kako grčki penzijski sistemi i sistemi osiguranja ne mogu funkcionirati jer previše Grka ide prerano u mirovinu - to se odavno znalo. Grčka je apsolutno zadnja zemlja na listi utjerivača poreza na dodanu vrijednost - nešto što je u članicama eurozone samorazumljivo.

Syriza ne rješava probleme

Jedna moderna i efikasna ljevica bi se mogla uhvatiti u koštac barem s ovim "domaćim" problemima i riješiti ih za dobrobit zemlje. Ali što Syriza, koja u ime naroda cijele Europe želi promijeniti financijsku politiku eurozone, radi kod kuće? Tsiprasova vlada, navodno "orijentirana na budućnost", ponovno zapošljava ljude u beznadno prenapuhanom javnom sektoru po uzoru na filozofiju 19. stoljeća prema kojoj je majka-država po mogućnosti trebala hraniti svu svoju djecu. "Lijeva" Syrizina vlada donosi zakon o regulisanju poreznih dugova: oni mogu biti podmireni u 100 rata i sve



kazne će biti ukinute. "Čaka" je, međutim, u tome da od tog zakona profitira i onih 6.500 velikih dužnika koji državi duguju više od milion eura. Čak je i konzervativna Samarasova vlada njih htjela izuzeti iz tog povoljnog zakona. Nova grčka vlada, pak, kako kaže, želi sve građane tretirati na isti način. A svoju imaginarnu revoluciju će valjda izvojevati granama maslina. Glavno da se ne zamjeri oligarsima!



Intervju Refik Akova:

Erdoan i Izetbegović ne vode računa o državama

Refik Akova je dugogodišnji član najstarije političke stranke moderne Turske - Republikanske narodne stranke (CHP), koju je 1919. osnovao turski oficir i političar Mustafa Kemal Atatürk (Atatürk), i koja je sada u opoziciji.

Akovina familija je 1968. godine iz Bijelog Polja došla u Istanbul. Bio je poslanik CHP-a u Skupštini Istanbula, a trenutno je član Izvršnog odbora stranke i savjetnik predsjednika CHP-a za pitanja Balkana i zemalja bivše Jugoslavije.

U ekskluzivnom intervjuu snimljenom u gradu na Bosforu Refik Akova, između ostalog, govori o mogućem scenariju vlade nakon posljednjih parlamentarnih izbora u Turskoj, o prisnim političkim vezama turskog šefa države Redžepa Tajipa Erdoana (Recep Tayyip Erdoğan) i člana Predsjedništva Bosne i Hercegovine Bakira Izetbegovića, te komentariše

tvrdnje pojedinaca da se Turska želi neoimperijalistički uspostaviti na Zapadnom Balkanu.

Na koji način će se rezultati nedavno održanih parlamentarnih izbora u Turskoj odraziti na političku stabilnost Turske?

Akova: Turska je država koja živi sto godina u svom opredjeljenju, demokratiji i republici. U ovom periodu ona je izradila sistem i aparat tako da njezina stabilnost ne može klecati bez obzira kakvu vladu imala. Mustafa Kemal Atatürk je napravio dvojni sistem da postoje državni službenici, koji vode državu i politički službenici. Državni službenici se ne mijenjaju, znači dok su živi oni su u službi, penzionišu se, a političari povremeno dolaze, uzimaju dužnost i mijenjaju se. Državni službenici su srce državnog aparata i non-stop



EMC TRUCKING

Serves All 48 States

EMC Trucking zapošljava owner-operatore i kompanijske vozače.



- Minimum 3 godine iskustva
- Mogućnost rentanja trailer-a
- Dispatcher 24/7
- Korištenje kartice za gorivo (Fleet Card)

Za više informacija nazovite: 678-558-8013

funkionišu. Da je Jugoslavija imala takav aparat nikad ne bi propala. Jugoslavija je direktno imala aparat na jednog političkog čovjeka. Što se tiče bezbjednosti u regiji, Turska apsolutno neće ugroziti nikoga, niti će biti ugrožena.

Koji je Vaš komentar na izborni rezultat AKP stranke (AKP - Partija pravde i razvoja) koja, prvi put nakon 13 godina, neće biti u mogućnosti da sama formira vladu već u koaliciji sa drugim strankama?



Akova: Državni aparat koji je oformio Mustafa Kemal Atatürk je za ovih 13 godina bio napadnut. Napala ga je politička opcija koju je vodio Redžep Tajip Erdoan. Ona je pokušala smijeniti sve ono što sačinjava i ujedinjuje turske narode. Atatürk je nekad rekao da će 'svaki nosilac turske lične karte biti sretniji Turčin', odnosno biće sudionik u ovoj zemlji i ravnopravan koliko i šef države. Dakle, turska lična karta je dokument koji ti daje na znanje da si ti sudionik u zemlji i Republici Turskoj. Erdoan je napao taj sistem i htio je iz Republike napraviti federaciju, znači skinuti Republiku, skinuti Ustav, napraviti nekoliko federacija i podijeliti narode u torove, razvući proces i manipulirati narodima. Erdoan je počeo sa tim da manipulira.

Bilo je potrebno vremena da narodi Turske Republike to uvide. Mi smo kao socijaldemokrati bili protiv toga. Mi zastupamo Mustafu Kemala Atatürku, njegovu ideju i Republiku, te smo spremni da sve što se u ovoj zemlji usije da usijemo sa svim narodima, odnosno da sve što u ovoj zemlji nikne i sazrije da podijelimo sa svima. Onda je turski narod stao i rekao da mora drugačije da misli i opredijelili su se na drugu političku socijaldemokratsku stranku na čijem čelu je Kurd (Selahatin Demirtaş /Selahattin Demirtaş/ jedan od lidera HDP

- Demokratska narodna stranka), inače vrlo mlad, prodoran i fin čovjek koji misli široko kao svi socijaldemokrati svijeta. Mi smo kao stranka podržali njega, i kao stranka Mustafe Kemala Atatürka smo poručili glasačima 'imate samo jedno, prvo provjerite za koga nećete glasati, a ostalo ocijenite između dvije stranke za koga ćete glasati'.

Mi smo znali da ćemo na izborima dobiti 30-31 procenat. Pošto smo znali kakve kvalitetne ljude imamo u stranci, onda

nam je bilo u cilju da stranka koja predstavlja Kurde dođe u parlament i da u parlamentu raspravljamo o kurdomskom pitanju. Nama ne trebaju grobovi, nama trebaju živi ljudi, mladi i prodorni ljudi koji će iznijeti Tursku Republiku od koje će uskoro napraviti jednu Evropu koja će biti jača od Evrope.

Ne može Evropa širiti i postavljati granice po Turskoj. Turska će da bude ovolika kolika je i ovakva kakva je - sa Republikom i idejom Mustafe Kemala Atatürka. To je dotjeralo Erdoana da je u ovoj zemlji najviše izgubio on. Prvo, izgubio je, jer nije imao pravo da se kao šef države pojavljuje na političkim mitinzima, drugo - pojavio se na političkim mitinzima kao predstavnik stranke da podrži svoju stranku i tu je izgubio, a treće - izgubio je izbore. Poslije završenih izbora rok je 45 dana da se formira nova parlamentarna vlada. Međutim, ne može Erdoan raspisati prijevremene izbore, već bi trebao da opoziciji da pravi vladu poslije 45 dana. Mi socijaldemokrati znamo da nećemo sa AKP-om, a znamo da hoćemo sa dvije druge stranke koje su po veličini poslije nas.

Kako gledate na prisne odnose člana Predsjedništva BiH i predsjednika Stranke demokratske akcije (SDA) Bakira Izetbegovića i predsjednika Turske Redžepa Tajipa Erdoana?



Am Dent, Inc.



Dental Care for Entire Family
Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted

Medicaid (uder 21) Peachcare

Major Credit Cards

NOW OFFERING! Ortho (Braces) Special - FREE Ortho Consultation

New Patient Special (Exam, X-Rays, Cleaning) - ONLY \$75

0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Olde Salem Apartments

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

*Prices & Specials Subject to Change. **With Approved Credit.

CALL FOR SPECIAL OFFERS*



NO APPLICATION FEE!**

Akova: Ja to komentarišem ovako - gdje su bili prije 13 godina. Što sada pred izbore to rade? Izgleda da su trebali bosanski glasovi da dođu ovamo i podrže AKP. Najinteresantnija stvar je da se Bakir Izetbegović iz Sarajeva direktno javlja i čestita Erdoanovoj stranci na pobjedi i daje podršku. Izetbegović će danas ili sutra doći kod nas socijaldemokrata, ali ne znam sa kakvim obrazom.

Šta podrazumijevate pod 'doći će kod nas socijaldemokrata'?

Akova: Ako sutra mi budemo pravili vladu on će doći u ovu državu pa će razgovarati sa mojom strankom, a ja ću ga tada pitati: 'Bakire, kako ćemo ovo opravdati? Mi smo ljuti na tebe i zamjeramo ti kao narod. Ti se iz Sarajeva javljaš uživo, Tajip se javlja iz Erzuruma sa mitinga i čitava Turska to uživo gleda. On sada ne pravi vladu i šta će dalje da bude - padaš sad sa njim'. Jedan šef države - bio to Bakir, Marko ili Janako - ne bi trebalo da bude stranački nastrojen. Državni aparat mora ostati vezan svima i državi svojoj. I što sad Erdogan pred izbore mora da ide da posjeti Bosnu i Hercegovinu, Albaniju, Kosovo da bi dobio 13 miliona glasova u Turskoj od tih naroda. Manipulacija narodom je nedopustiva. Narodi se moraju čuvati od takvih manipulacija, a ne da šefovi država narode ubacuju u te manipulacije.

Da napomenem, meni je Bosna i Hercegovina draga koliko i Turska, kao i sve zemlje bivše Jugoslavije. Još samo ovo uzimimo u obzir - zašto Izetbegović i Erdoan do sada nisu

riješili imovinsko pitanje da Bosanac može u Turskoj kupiti nekretninu? Tako nešto može, naprimjer, Srbin iz Srbije. Srbin dođe avionom ili automobilom u 8.00 ujutro u Istanbul, u 11.00 mu je protokol pripremljen da potpiše tapiju imovine koju je kupio u Istanbulu, od 11.00 do 12.00 potpiše dokument, a u 15.00 se vraća kući za Beograd i nosi sa sobom tapiju nekretnine koju je kupio usred Istanbula, milion eura za dvospratnicu u centru grada. Zašto Erdoan i Izetbegović nisu potpisali da to može uraditi i bh. državljanin? To pravo imaju državljani Srbije i Hrvatske, a BiH to još nije potpisala. Odgovor je zato što Erdoan i Izetbegović ne vode računa o državama, već o njihovim familijarnim vezama.

Dakle, CHP nikako ne želi u koaliciju sa AKP-om?

Akova: Apsolutno ne želimo. Ne možemo ući u koaliciju sa čovjekom koji je napravio prekršaj. Ne želimo da budemo njegovi saradnici. On je, kao prvo, pobio Kurde. Obećao im je republiku, pa poslije kada su oni podigli pitanje o republici onda ih je pobio. Za 36 pobijenih ljudi još uvijek niko ne odgovara. O dešavanjima u Kobaniju ne odgovara niko. Za oružje koje se mjesecima vozovima dopremalo iz Turske, a kojim su se naoružavali sirijski pobunjenici protiv države Sirije, takođe niko ne odgovara. Doveo je u Tursku 2,5 miliona Sirijaca da žive pod mostovima. Loše je što danas na svakoj ulici ima sirijske djece koja prose i čekaju da im se nešto pruži. Dobro je što je otvorena granica i što su primljeni ljudi, ali loše je što su na ovakav način dočekani.





Dino Multi-Services

DMS

PREVODI, NOTARSKI I
ADMINISTRATIVNI POSLOVI

Pružamo usluge:

- Notara, Apostille
(međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU

NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.

LAWRENCEVILLE, GA 30043

E-MAIL: DKRGO@BELLSOUTH.NET

tel.(678)429-4353

KRGO DINO



Agencija locirana u Jacksonville - Florida
Vam i ove godine nudi najpovoljnije karte za sve destinacije svijeta

Imamo letove po nevjerovatno povoljnim cijenama za Sarajevo, Zagreb, Beograd, kao i za druge gradove Europe

Naši ugovori su sa avio kompanijama kao što su: Lufthansa, US Airways, Air France, Delta, United, Austrian Airlines, British Airways i mnoge druge


Sa nama možete dovesti familiju i prijatelje iz Bosne i Hrvatske, tj. cijele Europe i svijeta.

Karte se izdaju ovdje, a osobe koje lete podižu karte na aerodromu sa kojeg polijeću.

Također nudimo i osiguranja za dobivanje vize kao i osiguranja za karte, tj. putničko osiguranje "Travel Insurance".

Nazovite nas i uvjerite se da smo najjeftiniji i najbolji.

Tel: 904-866-9893

 [facebook.com/eminatravel](https://www.facebook.com/eminatravel)

E-mail: eminatravel@bellsouth.net

SELLER OF TRAVEL REF. No. 5T35868

M & J

STUMP GRINDING & TREE REMOVAL SERVICE



770-274-8590

Mark Narciso

-Prompt and affordable

-Free estimates

mnarciso2011@hotmail.com



www.facebook.com/Stumpgrinderman

Šta će biti ako se ne oformi vlada u roku od 45 dana nego se raspišu prijevremeni izbori?

Akova: Poslije ovih 45 dana, ako nam ne budu dali da formiramo vladu, narod će se dići na noge i biće kao u Egiptu. To nikako ne smiju dozvoliti. Prema tome, mi ćemo napraviti vladu jer znamo kako. Ako je ne napravimo, MHP stranka nam je rekla 'idite, mi ćemo vas podržati, a ako se mora država spašavati - tu smo'. Ovi Kurdi sa nama hoće u koaliciju i to je riješena situacija. Pritom, ne zaboravimo da je budžet Turske 500 milijardi eura, a 250 milijardi je koštalo ovo glasanje. Erdoan sad kompletan budžet može potrošiti na izbore i napraviti haotično stanje u zemlji, od Turske napraviti potpuno paralizovanu državu, a to mu ekonomisti neće dozvoliti. Znači, on politiku i ekonomiju mora usmjeriti na unutrašnju, ali i vanjsku stabilnost.

Ponovo se javljaju teze pojedinaca, naročito u Srbiji, da Turska preko ekonomskog prodora nastoji da se neoimperijalistički uspostavi na Zapadnom Balkanu. Tome u prilog, kako tvrde, je i knjiga donedavnog premijera i bivšeg šefa diplomatije Turske Ahmeta Davutoluha 'Strategijska dubina'. Kako ocijenjujete ove navode?

Akova: Ahmet Davutolu (Davutoğlu) natura Turskoj ono što Turska ne želi. To je njegovo lično mišljenje. Turska ima kapacitet bez takve jedne politike da balkansko poluostrvo uzme pod svoja krila. Budimo realni. Ako mislioci u Srbiji danas tako misle, što su onda sa Turskom najbolji saradnici? Šest puta se više uložilo u Srbiju nego u Bosnu i Hercegovinu. Gdje je Bakir, a gdje Tajip? Manipulisati nekim stvarima je jako opasno.

Turska ima kapacitet i voljna je da pomogne Balkan. Za sve to vrijeme što je Evropa obećavala - ništa nije uradila.

Više je Turska napravila ugovora sa Balkanom i više je ušlo sredstava nego za svo vrijeme evropskog obećanja. Danas svi glavni kopneni putevi idu preko Turske, a da ne spominjem vodene i vazdušne puteve. Kada bi Turska obradila sve svoje njive mogla bi da hrani čitav Balkan i Evropu. Turska je jedina kapacitetna zemlja u regionu koja može sa ličnim usjevima i proizvodima da učini Balkan bogat koliko i Turska, a da pritom svi budemo u miru. Ko danas neće bolji život?

Zašto svakog jutra iz Beograda prva četiri aviona lete za Istanbul? Do 15.00 sati se podmiru sa namirnicama i onda se vraćaju nazad. Što ne idu u Beč, Prag ili Frankfurt? Prije neki dan bio mi je gost potpredsjednik Beograda. Ovdje je 5,5 miliona Bošnjana, bez Arnauta, Tatara i ostalih. I sjedimo i razgovaramo kad on kaže: 'Stvarno, ovo ovdje što ste postigli nema nigdje drugdje, a mi živimo ko psi'. Neispravna politika je dovela do toga. Ne smijemo na Balkanu podgrijavati negativne struje, misliti na neke druge ratove, misliti na kolonizacije. Turskoj više ne treba osmanizam. Turčin ima svoju divnu Republiku i svakome otvorenih vrata govori bujrum.

Ahmet Davutolu jeste akademik, ali je u ovom izbornom štabu postao ličnost koja je najviše izgubila i taj sistem koji on i Erdoan zamišljaju je nula. Kao narodi ne smijemo se vezati pojedincima ni Erdoanu ni Miloševiću (Slobodan Milošević) ni akademiku Davutoluu koji piše i postavlja neke dimenzije Balkana. To nama ne treba. Mi samo trebamo da smo svjesni ljudi, negenocidni. Srbiji je najpoštenije, ako hoće da riješi svoje pitanje, da prizna genocid (genocid u Srebrenici) i kaže 'jesmo ga počinili'. Turska za Jermeniju 100 godina u svijetu blokira i opstruira da prizna taj genocid, a ja im kažem: 'Ako ste ga počinili - priznajte ga i nemojte ga činiti više'.



THE BEST PRICES ON VEGAS, GUARANTEED.

\$149

\$69

\$29



USE PROMO CODE **SPECIAL** FOR

10% OFF

EVERYTHING ON VEGAS.COM

OR CALL US: **1-800-909-3013**



VEGAS.COM

NOT VALID ON AIR OR GIFT CARDS. VALID UNTIL 12/31/2015 © 2015 VEGAS.COM

Narkomanija, jedan od najvećih problema današnjice

Međunarodni dan protiv zloupotrebe droga i nedozvoljenog korištenja opojnih tvari obilježen je i u BiH, gdje je sve više mladih koji konzumiraju drogu. Nadležne službe čine sve kako bi suzbile ovu pojavu.

„Imala sam 21. godinu kada sam na jednom partiju u Beogradu prvi put uzela ecstasy. Od dilera sam dobila na poklon trinaest tableta. Nije mi rečeno kako se uzimaju, pa sam ih sve popila tokom jedne noći i, naravno, završila u bolnici. Doktori nisu mogli vjerovati kako mi je srce uopće izdržalo sve to. Nisam izvukla nikakvu pouku iz tog događaja, a partiji i droga postali su središte mog života. Bila sam ovisna o tehno muzici koliko i o tabletama koje sam počela redovno uzimati“, kaže K.I.

„Čovjeka koji će kasnije postati moj suprug upoznala sam u sarajevskom Domu mladih 2000. godine. U početku je radio s ecstasyem, travom i kokainom, a poslije je počeo uzimati i heroin. Neko vrijeme smo živjeli i u njegovom rodnom gradu Novom Pazaru, gdje se počeo skidati s heroina, ali tamo nema ustanova koje pomažu ovisnicima. Od privatnika je po cijeni od 10 eura uzimao bočice metadona (zamjenska terapija za osobe ovisne o heroinu). A onda je i mene đavo nagovorio da probam heroin...“, kaže K.I.

„S uzimanjem heroina prividno su nestali svi problemi koje sam kao Srkinja imala u toj sredini. Odjednom mi svekrva više nije smetala, nisam osjećala teret patrijarhalnih porodičnih odnosa, a nestalo je i psihičkog pritiska kojem sam bila izložena kao rođaka poznatog srpskog političara Vuka Draškovića. Dok sam uzimala heroin, ni peglanje veša mi nije bilo teško, ali

sve je to bio samo privid. Heroin sam uzimala na nos, nisam se nikad bola. Moj muž je pušio na foliju i zato je dobio neku fleku na plućima“, priča K.I.

Velika cijena konzumiranja droga

„To je samo jedna strana priče o drogama. Uskoro su počeli problemi sa suprugom, drugim članovima porodice, svađe... Počeo je da me tuče, da mi smanjuje i uskraćuje doze. Sebi je davao više i na vidjelo je izašla sva ona sebičnost svojstvena ovisnicima koji su za drogu spremni sve učiniti. Situacija je bila nepodnošljiva i naš brak se uskoro raspao“, kaže naša sagovornica. Tvrdi da je skidanje s heroina veoma težak proces i da vjerovatno ne bi uspjela bez pomoći Zavoda za bolesti ovisnosti Kantona Sarajevo, gdje je prvi put došla 2010. godine.

„Svi su se ovdje trudili da mi pomognu na čemu sam im neizmjereno zahvalna. Više ne uzimam heroin, zaposlena sam, plata nije velika, ali je dovoljna da mogu brinuti o sebi i svom djetetu“, kaže K.I. Ona je sada u programu liječenja metadonskom terapijom. Redovno dolazi u Savjetovalište za bolesti ovisnosti pri kantonalnom Zavodu. Voditeljica Savjetovališta je primarius dr. Senija Selman, specijalista neuropsihijatrije. „K.I. uzima terapiju pod nadzorom i pod redovnom je ljekarskom kontrolom“, kaže dr. Senija Selman.

Dr. Selman kaže da u Savjetovalište dolazi sve veći broj mladih ljudi među kojima su i učenici osnovnih škola. „Pitanje koje najčešće postavljaju zaplašeni roditelji glasi: Kako i na koji način blagovremeno prepoznati narkomana u porodici i društvenoj zajednici? Nekad je to nemoguće, a nekad relativno lako pod uslovom da se posjeduju elementarna znanja o





drogama i kliničkim ispoljavanjima pojedinih ovisnosti. Nažalost, roditelji u velikom broju slučajeva ne poznaju dovoljno ni svoju djecu, a još manje pojedinosti o narkomaniji“, kaže dr. Senija Selman.

„Prve promjene ispoljavaju se u sferi ponašanja i raspoloženja. To ponašanje se manifestira kao promjena u raspoloženju, sa upadljivo depresivnim fazama, a osjećaj krivice rađa grizu savjesti i strah od kazne. U tom raspoloženju adolescent je u stanju da satima leži, zagledan u jednu tačku, isključen iz svih zbivanja, a jednom dnevno izlazi iz kuće na neodređeno vrijeme i uglavnom ne želi da govori o svojim izlascima. Kući se najčešće vraća veoma kasno. To je vezano za prve kontakte sa drogama, ali sa razvojem bolesti ovisnosti o psihoaktivnim supstancama (drogama), promjene u ponašanju bivaju sve uočljivije“, ističe dr. Selman. Ona kaže da ubrzo postaju vidljivi i prvi znaci fizičkog propadanja ovisnika usljed gubitka apetita i toksičnih efekata droge. „Pad tjelesne težine, bljedilo lica, upali obrazi, promjene na koži lica, mutan pogled, tamni podočnjaci, pad fizičke kondicije... Komunikacija sa roditeljima postaje sve rjeđa i površnija. Pokazuje sklonost izolaciji, zatvara se u sobu, liježe u rane jutarnje sate i spava sve do podneva. Dobija tokom dana brojne tel. pozive, razgovori traju dugo, ako mu se na to ukaže oni burno reaguju. Upadljivo je i zapostavljanje starih drugova i početak druženja sa novim osobama, jer za narkomana je dobar drug ili prijatelj onaj koji ima drogu i daje je“, kaže dr. Selman.

Šefica Savjetovališta ističe da se prvi znaci ovisnosti mogu prepoznati i po čestim sukobima adolescenata sa roditeljima, posebno agresivnim ponašanjem prema majci, kao „manje opasnom roditelju“. „Zaključak, ovisnik je ozbiljan bolesnik, jer je narkomanija u suštini problem ličnosti, a put liječenja ovisnika do njegovog definitivnog izlječenja je dugotrajan i težak. Svaka dobronamjerna pružena ruka vodi do početka liječenja, koje mora započeti kod dobronamjernog i educiranog terapeuta u specijaliziranoj ustanovi kao što je i naš kantonalni Zavod za bolesti ovisnosti“, kaže dr. Senija Selman.

Barba protiv zloupotrebe droga

Međunarodni dan protiv zloupotrebe droga i nedozvolje-

nog korištenja opojnih tvari obilježava se širom svijeta. I u BiH su organizirane brojne akcije koje imaju za cilj da ukažu na štetnost zloupotrebe droga. Prema podacima nevladinih organizacija u ovoj zemlji postoji više od 7.000 injekcionih korisnika droga. Tačan broj onih koji zloupotrebljavaju droge znatno je veći i nemoguće ga je utvrditi.

BiH je na raskršnici puteva koji spajaju zemlje Bliskog istoka sa zemljama Zapadne Evrope, pa joj taj položaj, kako kaže portparol Ministarstva unutrašnjih poslova Kantona Sarajevo Irfan Nefić, daje veoma važnu ulogu u saobraćaju ljudi i roba, kako legalnom, tako i ilegalnom. „Pojedinci i grupe koji vrše neovlašteni promet opojnim drogama godinama cjelokupan prostor Balkana koriste za prebacivanje opojnih droga sa istoka na zapad. Najčešće su to heroin i produkti kanabisa, odnosno, sa zapada na istok – kokain i amfetamini. Dio tih droga ostaje i na području BiH gdje se prodaje pojedincima ili grupama, odnosno konzumentima“, kaže Nefić.

„Pri sektoru Kriminalističke policije MUP-a Kantona Sarajevo oformljeno je Odjeljenje za borbu protiv zloupotrebe droga koje uspješno radi svoj posao. Od januara do juna 2015. godine, nadležnom tužiteljstvu prosljeđen je 51 izvještaj o zloupotrebi droga, a prijavljeno je 66 osoba koje se dovode u vezu sa neovlašćenom proizvodnjom, prometom i posjedovanjem droga. Slobode je lišen veći broj lica, a za 24 je određen pritvor. Tokom ovog perioda, naši službenici su zaplijenili više od 17 kg mariuhane, 10 kg heroina, više od 1.500 grama amfetamina i veću količinu ecstasija. Uzimajući sve to u obzir, možemo reći da je sigurnosna situacija na području Kantona Sarajevo s aspekta zloupotrebe droga na zadovoljavajućem nivou, odnosno da problem držimo pod kontrolom“, kaže Nefić.

Generalna skupština Ujedinjenih naroda 1987. godine proglasila je 26. juni „Međunarodnim danom borbe protiv zloupotrebe droga i nedozvoljenog korištenja opojnih tvari“. Namjera je bila upozoriti javnost na rastući problem zloupotrebe droga, da bi se nadležne službe aktivnije uključile o borbu protiv ove pojave, kako na globalnom tako i nacionalnom nivou.

Dada Batinić

Status turista u Hrvatskoj

Knjževnica iz Makarske Dada Batinić je, na šaljiv način, opisala navike turista iz različitih država koji dolaze na more u Hrvatsku.

Talijani te uvijek pitaju govoriš li engleski, ali tvoj odgovor, ma kakav bio, ne razume jer engleski ne pričaju. Rečenica "Spik ingliš?" u njih se prenosi s koljena na koljeno i za nju su svi čuli. Vuču se po kući ka slina po maramici i uvijek in svašta triba, obično ono što u sebe doma nemaju. Svi sve pitaju uglas i isprid tebe se posvade prije negoli odgovoriš. Kad odu, taj apartman više ne moreš nikome iznajmit jer ga triba piturat, deratizirat, a najbolje-spaliti! Fale ti cijevi od vode, fali ti pepeljara...fali ti i živaca da o Talijanima uopće pišeš.

Bosanci, meni najmiliji gosti, uvijek u autu dovedu makar osobu više negoli auto more primit. Kako priđu granicu, nije jasno. Čin parkiraju, ispadaju vanka s osmijehom, ko da nisu putovali 5, 6, 7, 8 sati po najvećoj vrućini. Puten, kažu, stali u Jablanicu, donili ti malo pečenoga, pa u Blagaj, donili ti urmašicu, a u Metkoviću kupili marmeladu od nektarina, mislili ponit kući, ali in se sviđaš pa ti dali i to. Grle te i ljube iako se prvi put vidite. Rezervirali su apartman na sedan dana, a lovnu potrošili drugi dan ujutro. Nesritni i nikakvi spremaju se kući, povest će

i rođaka nazad, trevili ga jutros na plaži, doša samo na dan. Kako su ti se uvukli pod kožu, daš in pet dana gratis. Rođaku također. Oni plaču od sriće, ti jecaš. Pitaju te šta ti je, ne znaš ni sam. Otad ste najbolji prijateji pa zimi, dakako, ideš u njih. Više spize izideš u tih sedan dana negoli u sebe cilu godinu. Kad se vratiš doma oni te svako malo pitaju kako si, a ti njih samo kad in misliš doć u goste. Kad o njima pričaš svome društvu, spominješ ih ka čimavice koje ti liti navrnu pa ne moš zaradit, a kad oni svojima govore o tebi, svaki njiov prijatej misli kako si super pa te zafrendava na fejsbuku. Zaključiš da si ograničen dalmatinski mentaliteton i gadiš se sam sebi u periodu od 1.10. do 1.6.

Ako je **Švabo** reka da će doć u subotu u 10.00 more bit autocesta zatvorena zbog bure, more mu umrit mater, ali njega eto u 10:00:00. Prema njima se ophodiš ka i oni prema tebi, službeno, ko da si doša u općinu sređivat papire. Gledate se malo ladno, malo s nerazumijevanjem, ti strepiš jel ti išta fali, a njima smeta i da ih pitaš kako su. Nakon toga ih više ne vidiš i ne čuješ. Pari da ih nema, ne troše ni vodu ni struju, jedino što svaki dan na konop obise novi šugaman. Ti poštuješ kućni red zbog njih, televiziju slušaš na 20, a ćaci zaprietiš da



ćeš ga ostavit u staračkome pojača li na 30. Mobitel ti ne zvoni nego drće, a taman i da si dobijo na lotu, prošapćeš jupi. Kad odu, daješ stan samo Amerikancima da se izbalansiraju energije.

Amerikanci non-stop laprdaju i zvizneš na živce još na kolodvoru. Nijedne rečenice u njih nema bez najmanje dvi podštapalice i jasno ti je zašto naš čovik uspije u stranome svitu. Za Hrvatsku su prvi put čuli igrajući društvenu igru. Skupilo se njih šest pa jedan naboj na zemljopisnoj karti di će društvo ove godine prije fakulteta. Prst mu zavatijo i susjedne zemlje no, za razliku od BiH i Srbije, Krejša je na moru. Za Neum isto nikad nisu čuli. U avionu su izguglali sve o našoj povijesti od stoljeća sedmog naovamo, vidili pošto su nan kurve i spiza i čude se da znamo šta je wi-fi. Potraš ih prije negoli ste došli do apartmana.

Poljaci nisu sigurni je li Makarska grad u koji su naumili ić, niti znaju kako su do tebe došli. Pitaju te svašta, ne čuju ništa. Pitaju more li se na planinu i kad je najboje ić. Rečeš da je najboje prije sunca, nikako u podne, odu u podne. Rečeš da je dućan pedeset metara livo, odu desno do izlaza iz grada. Pitaju te di je nudistička plaža, neće se tamo kupat nego da ne bi zabunon na nju nabasali. Uputiš ih nistrmo, javna plaža in je 5 minuta od kuće. Kad se vrate, pokazuju ti slike koza i pripoznaš među kozama Andriju Bakujina koji živi u Velikome brdu, deset kilometara odavde. Svaki put kad ih pogledaš glupavo se smješkaju i u sebi misliš da su tribalali odsjest u kakvome centru za skrb. Porazbijaju ti pola inventara, optuže te da in prpaš po stvarima jer ne mogu nać svoj otvarać za konzerve. Zaštopaju perilicu za suđe jer teču skupa sa manistron gurnu unutra. Kad odu, malo razmišljaš o Hitleru.

Englezima je sve ekselent, osin šta prezirno komentiraju ono što vide i dotaknu. Srdela je odlična, ali zar nemate fish and chips? S mladima je lakše, čuli su za Dubrovnik i Zrće pa in objasniš da si ti između. Odma će sutra tamo ili vamo, zavisno od autobusnih linija. Moraš in sve naplatit unaprid jer loću, padnu s balkona istu večer i naredne dane provedu u bolnici. Odeš jednon u posjet, poneseš kilo limuna i litar soka, Englez je još u komi, vratiš sve doma. Potrošio si, ali nije ti žaj.

Australci ti plate deset dana, ali kako prvu večer svrate u pivnicu tako ih narednih devet dana više ne vidiš. Dođu doma tek deseti dan, u istoj majci i istin gaćama u kojima su ih vidio i prvi dan. Panično traže pasoš, kasne na avion. Ljube ti i grle mater, itaju se na susidu s kojon ne govoriš, vidili je da zaliva ispid kuće. Dovikuju se sa prolaznicima, mašu svima. Mašeš skupa sa susjedon (profesionalci ste), a kad zamaknu za prvu okuku, njoj jebeš mater i popiješ malo vode s cukron da te ne kolpa. Za Australce se ne triba sekirat da neće stić na avion jer se još nije dogodilo da oni nemaju sriće. Uvik se potrefi da je gužva oko ukrcaja pa kasnili tri sata ili tri dana uvik stignu na vrime.

Francuzi, čin su došli, zapisuju na šta će se žalit ne bi li dobili povrat novca. Odma se pogodiš da in vratiš 100 eura samo



da te ne gnjave za svaku sitnicu. Za njihove pare iznajmiš apartman u tete i vratiš se kad oni odu.

Česi ubace stvari u stan, nameće ceradu na auto i nema šanse da će sist za volan do kraja odmora, iako obilaze cilu Rivijeru. Znaju svaku samoposlugu u gradu, upoznati su sa besplatnin zbivanjima, kulturnin znamenitostima, bauljaju po plaži i planini....Tek kad su sve izvižitali sidnu popit kriglu pive. Ko što Čehinja voli pokazat sise, tako Čeh voli pokazat drob. Ko što se Čehinja, koristeći razvedenost obale, kriomice kresne s našin spasiocen na plaži, tako Čeh kriomice loče pivu, izgovarajući se da mora u kafic na zahod. U muškaraca i dalje dobro kotira "fudbalerka", a ženske se strižu nakratko i to tako da ne znaš jel je ostriglo ili počupalo. Da se ne misle oće li izgorit ili neće, sprže se odma prvi dan pa se među svojimja fale ko je crveniji. Žaj ti je kad odu jer su razdragani i nema u njima zla. Njiova ćer ti se ionako oženi za rođaka, vidat ćete se.

Hercegovac ne rezrvira ništa jer je još za vrime rata kupijo stan u Makarskoj. Kako nije od vele odanja, gleda kako bi dotra prva dva kola od mercedesa u plicak. Kad izade iz auta sidne u najbliži kafic i pije tri deca dok žena iskrcava sve iz gepeka. Ona ita peraje, maske, dicu, suncobrane, rukavice... Polak toga dica odma meću na sebe. Kad su dica u moru, mater in sidi pod suncobranon i motri na njih ka bejvoć iako ne zna plivat. Dica deranjen nadjačavaju jet-ski egzibicije i cila plaža gleda šta ta dicu mogu. A mogu sljedeće: začepit nos rukon i stisnit usta da poplave, pa taknit glavon more. Tako nekih stotinjak puta, ali s istin žaron i povicima. Jedini način da se njih riješiš je da zovneš "pauka".

Austrijanac, ka i **Slovenac**, ako i dođe, dođe na bicikli ili makar s auton koje vuče pet šest bicikli na krovu. Ne ide na more nego ga vidiš na po staze kad odeš na planinu kopat kunpire. Voziš golfa tricnu TDI i do vrha "Sv. Jure" je mrtva trka. Pokušavaš ga izgurat sa staze ali digne biciklu na zadnje kolo i ruvinaš auto o kamen. Dođe na vrh prvi, a od polak litra vode koje ima sa sobon, ostalo mu četiri deca. Daje tebi jer ti u autu ne radi klima.

P.S. Svaka sličnost sa stvarnin osobama je slučajna. Moguće je npr. da Hercegovac nema stan nego kuću...itd.

Džeparoši

Radni dan počinjao je za džeparoše sa različitom satnicom. Prepustili bi se spavanju i lješkarenju ako su im na programu bili željeznički ili autobusni kolodvor, a ravnili su ako je negdje u okolini Zagreba bio kakav pazarni dan

U našoj mahali stanovao je jedan osobenjaka po imenu Muris. Poprilično tajnovita osoba čijeg se lika ne sjećam, ali pamtim da je bio prijek i da smo ga se bojali. Rijetko bi s kim koju progovorio, a strah od tog čovjeka bio je veći kad se mahalom pročulo da hvata i jede golubove. Lukavo bi ih namamio na tavan, a kad bi gugutani uletjeli, zatvarao bi izlaz, hvatao ih i - pravac šerpa.

Jednom sam bio u njegovoj bašti kad je imao rijedak vedar dan pa primio malu i veliku raju. I ne znam kako je došlo do teme o džeparošima, biće da je to vrijeme kad su postajali prava napast na sarajevskim tramvajskim, željezničkim stanicama, pijacama i uglavnom na svim mjestima gdje je bilo gužve koju su džeparoši nazivali u svom žargonu - treska. Pričao nam Muris, a ne znam odakle je saznao, da je u Parizu bio jedan kao instruktor i učitelj koji je poučavao kako se iz džepa treba i najlakše može ukrasti novčanik. Taj instruktor imao je, navodno, u svojoj vježbaoni ljudski skelet napravljen od najosjetljivijih opruga. Pa je onda on "sakrio" novčanik u srce tog kostura, a učenici su morali do njega doći a da nijedna opruga ne zadrhti. I kad bi onda oni uspjeli do perfekcije dotjerati

vještinu - učitelj ih je slao u akcije. I bio s njima u punom talu.

Bronzice

U Sarajevu nije bilo, koliko znam, nijednog učitelja niti kakvog regrutnog centra, a odjednom je se početkom sedamdesetih pojavila prava najezda džeparoša.

Novine bile pune vijesti o pokradenim građanima: te nestao novčanik u tramvaju, te pred kinom, te na pijaci... Nisam se bavio sistematski niti posebno istraživački tom tematikom, ali sticajem okolnosti bio sam svjedokom cvjetanja te prastare kriminalne discipline i sa dosta pouzdanosti mogu nadalje pisati o tome.

Kada sam sedamdeset i prve otišao u Zagreb, neki su već bili tamo, a neki su kasnije u mjesecima i godinama što su slijedile dolazili. Moja ulaznica u nepristupačno džeparoško društvo bio je Hamid Canajaz, zvani Brko.

Iako mi Nijaz Šanta, sarajevski šarmer i jedan od najboljih poznavalaca džeparoša i njihove vještine, tvrdi da nije bilo ne najboljeg, nego ni boljih ni gorih, nego su svi bili skoro pa isto spretni, a pitanje je bilo samo koliko su i pri tome sretni da izvuku pun, a ne prazan novčanik, ja mislim da je Brko bio među najboljim. Zašto? Zato što se uvijek, ma odakle, iz Zagreba, Italije ili Njemačke, vraćao pun love (i obavezno skupe garderobe u kojoj se puhao kao onaj puran iz pjesme "po dvorištu puran šeće vazdan pučka i blebeće diže



glavu širi rep misli bože al sam lijep...") i zato što se nerijetko upuštao u džeparoške poduhvate sam, bez štucera (džeparoši su obično išli u akcije sa najmanje jednim štucenom, a štucen je onaj koji odvlači pažnju žrtve tako što je zagovara ili dodiranjem zavarava, recimo kad ovaj krene prema džepu na lijevoj strani, štucen žrtvu kresne po desnoj, kao slučajno i to mu dođe kao neka džeparoška anestezija).

Tad im je u Sarajevu postalo tijesno zbog raznoraznih okolnosti: tadašnji SUP specijalizirao je nekoliko spretnih inspektora, među kojima su najbolji za otkrivanje džeparoša bili Ljupko, Miler i Avdo, a u jednom trenutku došao je i specijalac Stanko iz Beograda. Nijaz Šanta, jedan od mjerodavnijih svjedoka tog vremena i rabote o kojoj pišem, opet, tvrdi da nisu inspektori bili glavna opasnost, nego šmekeri iliti cinkaroši.

"Ako su uhvatili nekoga od naših pa on sutra odmah bio na slobodi, dogodilo se ono što danas nazivaju nagodba sa tužiocem. Znači, pristao je da šmek. Dovoljno je bilo, recimo, da dođemo u Beograd da se pozdravimo sa Hajrom Hastorom, nakon pola sata već smo svi popadali. Glavu bih dao da nas je odšmekao."

No, vratimo se Zagrebu. Godina je '71. Hrvati je smatraju jednom od važnijih u svojoj borbi za neovisnost, na političkoj sceni vrijede k'o u košnici, Savka i Tripalo postaju nacionalni heroji. Politika baš i ne zanima toliko Brku i njegovu ekipu, ali im je dobrodošla činjenica da svi spavaju u Praškoj ulici kod jednog starijeg gospodina kojeg svi zovu Dedo, a koji zbog svoje slavne političke prošlosti uživa ugled i imunitet pa se ne može dogoditi da mu u stan upadne kakva racija. Uz to, Dedo je brižan i jako obrazovan čovjek. Enciklopedijsko znanje. Džeparoši uživaju u šalama i podmetanju. Šta god Dedu pitaju - on zna. Svejedno da li je pitanje iz sporta, kulture, politike, medicine. Onda oni smisle zamku.

Pa Brko kaže jednom Dedi.

- Joj Dedo, ne znam šta ću sa sobom, dobio sam bronzice.

- Šta si dobio, pita ga Dedo kao da nije dobro čuo.

- Bronzice, Dedo, bronzice.

- Aha, nakašljava se Dedo, ali ništa ne odgovara.

Prođe dan, prođu dva, kad Dedo opet pita Brku:

KAKO SE ODBRANITI OD LOPOVA

- 1** U prevozu treba držati ruke u džepovima ili u tašni u kojoj je novac
- 2** Žene treba da paze kakvu torbu nose (najsigurnije su one preko grudi)
- 3** Ne držite novčanik u zadnjem džepu
- 4** Ne držati kartice i pin-kodove na istom mestu



- Ti meni reče da si dobio bronzice?

- Ja, Dedo.

- A možeš li mi reći nešto više o tome, ja sam sve enciklopedije pregledao, nigdje ne piše ništa o tim bronzicama...

Onda se svi smiju, a Brko priznaje da ni on ne zna šta su bronzice.

Radni dan počinjao je za džeparoše sa različitom satnicom. Prepustili bi se spavanju i lješkarenju ako su im na programu bili željeznički ili autobusni kolodvor, a ranili su ako je negdje u okolini Zagreba bio kakav pazarni dan. Po danu bi, dakle, krali, a uveče bi se provodili i lako trošili lako "zarađen" novac. Izuzetak su bili tzv. "soveri", ekipe koje su se specijalizirale za vozove i pljačkanje putnika koji su zaspali, ili kako se žargonski kaže, zasovili pa otuda soveri - lovci na uspavane žrtve.

Gimnazijalac

Mene je Brko predstavljao kao rođaka i bio na neki način ponosan kad bi dodavao značajnu rečenicu: "On ide u Gimnaziju u Zagrebu."

Proveo sam noći i noći sa njima u "Apolu", otmjenom kafiću koji se nalazio u nekadašnjoj ulici Socijalističke revolucije, zatim u nekoj vrsti disko-klubova, "Amor" u blizini današnjeg Jelačić placu te "NO 1" kod nekog Pante gdje se okupljala tadašnja zagrebačka krema.

Bio je u to vrijeme u Zagrebu i jedan od najživopisnijih likova, kojeg pamtim samo po nadimku i porijeklu, Jablan iz Bugojna. On je posebna priča. Pabirke te priče objedinjuju deset dana prije njegove smrti. Ležao je, čekajući kraj, u svojoj bugojanskoj kući i ispovjedio mi se, možda i priželjkujući da ta njegova ispovijed jednoga dana postane javna.

NASA POČELA PRIPREME ZA "RAT" U svemir šalju nuklearne rakete!

Kako bi spriječili eksplozije nepoznatih objekata, stručnjaci napominju da bi uništavanje asteroida nuklearnim raketama mogao biti dobar potez osobito ako su usmjereni na srednje i male asteroide te komete.

NASA i američka Nacionalna uprava za nuklearnu sigurnost objavile su kako od sada zajedno rade na održavanju sigurnosti i pronalasku rješenja za moguće opasne asteroide koji se približavaju Zemlji koje bi moglo uključivati i upotrebu nuklearnog oružja.

Baš kao u filmu 'Armageddon' u kojem muževan Bruce Willis odlazi u svemir ne bi li uništio asteroid, prema plano-

dirao iznad ruskog Chelyabinska, snagom 20 do 30 puta većom od eksplozije u Hirošimi.

Kako bi spriječili eksplozije nepoznatih objekata, stručnjaci napominju da bi uništavanje asteroida nuklearnim raketama mogao biti dobar potez, osobito ako su usmjereni na srednje i male asteroide te komete. S druge strane, nuklearne eksplozije u svemiru mogle bi prouzročiti više štete nego koristi, smatraju neki stručnjaci. Oni predlažu skretanje asteroida s njihove putanje. Takav plan predstavljen je na NASA-inoj konferenciji održanoj prošle godine.

Tim stručnjaka iz Iowe predložio je razaranje asteroida



vima NASA-e, nuklearna bi bomba mogla biti poslana u svemir uz pomoć raketa.

"Te dvije agencije rade zasebno, no ponekad im se planovi znaju poklopiti. Do kojeg god zajedničkog rješenja dođu, to će biti dobra stvar", rekao je Bruce Betts, direktor znanosti i tehnologije Planetarnog društva. Naučnici tvrde kako u Zemljinoj blizini kruži oko milion asteroida, a svaki od njih predstavlja prijetnju. Zastrašujući dokaz o tome koliko su opasni, te kako svaki od njih može pogoditi Zemlju pojavio se u februaru prošle godine kada je nepoznati objekt eksplo-

na način da ih se dostigne u dubokom svemiru, a potom bi prvaletjelica u kojoj bi bio pilot napravila eksplozivni krater u kometu, a oko milisekunde nakon nastanka kratera, u isti bio položen nuklearni eksploziv.

Posljednjih dvadeset godina NASA-ini znanstvenici otkrivaju asteroide veće od jednog kilometra koji bi mogli naštetiti zemlji, a prema izvještajima takvih je 98 posto. "Vjerovatnost da nas nešto pogodi u budućnosti je poprilično velika, iako nismo u panici, prijetnja uvijek postoji", rekao je NASA-in stručnjak Jason Kessler.

POVRATAK VELIKANA: Nokia će ipak, opet dizajnirati i licencirati

Kontradiktornosti u priči o povratku nekada najvećeg branda u mobilnoj telefoniji, otkako je upravo taj segment finske kompanije lani prodan Microsoftu, nije nedostajalo, ali sada je, čini se, sve u potpunosti razriješeno i Nokia se ipak vraća...

Već je nekoliko puta bilo "hoće pa neće", prvo se najavljivalo kako će Nokia, nakon što je Microsoft odlučio prodavati pametne telefone bez da u nazivu sadržavaju legendarno ime, još jednom pokušati sama. Mnogi su se poveselili, jer ipak je riječ o kompaniji koja je više od decenije praktično bila sinonim za kvalitetu mobilnih uređaja, ali prije otprilike dva mjeseca stigao je demanti iz same kompanije u kojem su decidirano rekli kako se Nokia ipak ne vraća. Ali, kako se u poslovnom svijetu odluke mijenjaju i onda kada se čine konačnima, tako se dogodio još jedan obrat, prema kojem će se Nokia ipak, na veselje mnogih, još jednom okušati u tržišnoj utakmici, samo je pitanje u kojem obliku. Da je to

tako, potvrdio je izvršni direktor Nokie, Rajeev Suri, koji je u razgovoru za njemački portal Manager Magazin otkrio preliminarne planove. - U ovom trenutku tražimo pouzdane partnere. Istina je, mi jednostavno želimo dizajnirati i licencirati nove modele pametnih telefona pod brandom Nokia - kratko je rekao Suri. Sve bi se moglo realizirati tek u posljednjem kvartalu 2016. godine, naime, do tada prema ugovoru o prodaji ekskluzivna prava na korištenje imena Nokia u mobilnoj telefoniji ima Microsoft. Kako se prošle godine Nokia našla na rubu, jedini izlaz je bio prodaja Microsofta, to je i realizirano, ali iako se većina nadala da će brand Nokia opstati, to se na kraju ipak nije dogodilo. Pravno, Nokia mora čekati istek ugovora o korištenju branda u mobilnom segmentu, no čini se kako planovi za povratak postoje, samo se, eto, traži kvalitetan partner. Evidentno je da Nokia u cijelu priču ne može i neće krenuti samostalno, kako će sve na kraju završiti, to ćemo tek vidjeti...



jedna web stranica za sve vaše potrebe
www.bosnianyellowpages.us

Mercedes-Benz C220 BlueTec Avantgarde

To vam je kao u priči... Kad nađete pravog princa ili princezu, tek onda ste na tronu. Ili kao s novim Mercedesom C-klase, kojim sarajevska kompanija "Starline" i kod nas u BiH svima daje šansu za uspon na tron i kraljevsko mjesto. Jer, taj automobil, zahvaljujući svojim osobinama i, malo je reći, šminkerskim izgledom, ne pristaje na manje!

Ako od automobila tražite sigurnost, pouzdanost, snagu, udobnost, on će to sve ispuniti i dati mnogo više. Ukratko, kod ovog vozila nema da ne može i nema da nema. Evo nekoliko caka za probirljive... Kad zatvorite vrata, pritisnete start i mašina počne da bruji..., ulazite u drugi svijet. Iznutra gledajući, sve je prelijepo, a nema čak ni rupa po cesti - jer ih ne osjetite. Prva sljedeća misao je: Eh, gdje ćemo? Dubrovnik? Ma kakvi! Nacrtaj Monako! Nema alternativu... Udobno zaljubljeni kao na dušek, s ovom pričom (ovo je samo ljubavna i drugačija ne može biti) na četiri točka možete ploviti lagano romantičarski ili moćno mangupski. I to baš svaki dan. "Najbolje uzmite za sebe, jer najbolje nema alternativu". Za kratki opis automobila najlakše je reći da mu je dizajnerski i tehnološki uzor bila fenomenalna S klasa, dok su neka rješenja preuzeta s Maybacha. Rezultat je možda i najluksuzniji proizvod u ovom segmentu automobila koji neće ni najzibirljivijima izmamiti kritike. S dizajnerskog aspekta, C klasa iz profila podsjeća na coupe. Sportskog je karaktera, ima bikse-nonska svjetla sa zakretanjem na krivinama, stražnja LED svjetla te difuzor s hromiranim dodacima koji pojačavaju dojam moći. No, prava moć čeka unutra, iza otvora koji vodi u neki sasvim drugačiji svijet. Na prvi pogled, prenerazit ćete se i reći - ovo nije za mene. Međutim, kao što kaže poznata poslovice, na dobro se lako naviknuti. Mada ćete morati čačkati po konzoli infotainment sistema kako biste otkrili kako

rade multimedija i ostali sistemi te se navikavati na mjenjač na ručici iza volana (poput ručice pokazivača smjera), C-klasa nije teška za korištenje. Štaviše, vrlo je funkcionalna. Dizajn je na vrhu premiuma. Jasno je da se svakom detalju prišlo s tipičnom njemačkom pedantnošću radi kreiranja vrhunskog užitka. Fina koža, brušeni aluminij i površine u boji klavirskog laka daju ugođaj koji se puno bolje može osjetiti nego opisati. Kokpitom dominira 8,4-inčni ekran. Njim se upravlja preko konzole, zahvaljujući kojoj su inženjeri eliminirali mnogo uobičajenih komandi razbacanih po kokpitu. Sve možete raditi preko konzole. Moramo spomenuti i touchpad dimenzija 65x45 milimetara koji čak prepoznaje pisanje slova i brojeva. Udobnost? Više nego vrhunska. Automobil je kao stvoren za duža putovanja, a po noći efekt je još bolji zahvaljujući diskretnom unutrašnjem LED osvjetljenju.

Sedam brzina

Za pogon je zadužen 2,2-litarski turbodizelaš sa 170 konjskih snaga dostupnih od 3.000 obrtaja. Zahvaljujući visokom obrtnom momentu (400 Nm) već na 1.400 obrtaja, sportske performanse automobila su veoma izražene. Rad motora možete podešavati preko Agility Control sistema koji nudi četiri osnovne konfiguracije - Eco, Comfort, Sport i Sport +, a koje podešavaju "ponašanje" sedmostepenog automatskog mjenjača, odziv pedale gasa i kočnice, osjetljivost ESP-a, tvrdoću ovjesa... Sve što želite, od lagodnog krstarenja do izživljavanja. No, ako želite sami mijenjati brzine, ručica na volanu, nažalost, nema. Uprkos velikoj snazi, potrošnja goriva C-klase je veoma niska. U praksi, nije je teško spustiti ispod šest litara na 100 km, čemu doprinose i start/stop sistem i "pametni" alternator koji se aktivira po potrebi. Jedan je sretnik za ovoga, a ostali... sami nađite svoje prinčeve i princeze C-klase.



PROBLEMI SA SUNUSIMA?



BOLOVI?



NESANICA?



Revolucionarna tehnologija koja komunicira s tijelom

Holografski čipovi komuniciraju s tijelom preko energetski osjetljivih tačaka na tijelu zvanim meridijani-poput akupunktura, ali bez iglica.

Koriste se za: gubitak tjelesne težine, nesanicu, bolove, sinusne alergije, povećanje libida i više energije.

Holografski čipovi su mali flaster u boji kože. Čipovi se lijepe na kožu tako da ništa ne ulazi u tijelo, a potpuno su nenametljivi. Naučno je dokazano da su čipovi-flasteri veoma učinkoviti, ali najbolji dokaz su rezultati desetine hiljada ljudi širom svijeta koji ih koriste svaki dan.

HILJADUGODIŠNJA TRADICIJA AKUPUNKTURE U KOMBINACIJI SA

NAJMODERNIJOM TEHNOLOGIJOM DANAŠNJICE

HOLOGRAMSKI ČIPOVI

WWW.EM.CIEAURA.COM

Vlado Kalember: Danas se stvari ne popravljaju nego se, jednostavno, uzmu nove

Vlado Kalember (62), pjevač i osnivač legendarnog benda "Srebrna krila", posljednjih godina nije toliko aktivan na muzičkoj sceni. Kalember je grupu osnovao 1978. da bi s vremenom nastavio solo karijeru te neko vrijeme bio i član "4 Asa". Kalember se 2012. vratio "Srebrnim krilima" i tada su objavili posljednji album pod nazivom "Srebrna krila".

S obzirom na to da je ljeta na pragu, Kalember govori da će naredne mjeseci provesti "radno i paradno". No, radno neće podrazumijevati festivalske nastupe, jer kaže, ni on ni grupa nisu im baš skloni, jer su uvijek uspijevali i bez njih.

Globalna kriza

- Festivali su uvijek nekako zavičajno koncipirani, jer su i takve propozicije. Mi smo uvijek htjeli funkcionirati globalno. I grupa i ja, kao solista, furali smo nekakav urbani popularni rok bez primjesa zavičajnih elemenata, jer smo zagrebački bend, a Zagreb baš nikada nije bio muzički i tekstualno globalno priznati zavičaj, kao Dalmacija, Bosna ili Vojvodina. Uvijek sam pomalo bio ljubomoran na autore i izvođače iz tih zavičaja, jer su mogli koristiti elemente muzike i teksta iz narodnih napjeva - ističe Kalember.

Iako je, kaže, imao sreće i uhvatio zlatno doba estrade, naročito diskografije, kada su brojali skoro osam miliona nosača zvuka, uvijek ima osjećaj da je nešto propustio te da je mogao napraviti nešto više.

- Nije to bilo zlatno doba samo u bivšoj državi nego i u cijelom svijetu. Diskografska kriza sada je globalna. Nekada smo snimili LP i od njega živjeli više od dvije godine. Koncerte smo, zapravo, radili kao promociju albuma. Danas snimamo pjesme da bismo koncertirali - navodi Kalember.

Analizirajući današnju muzičku scenu, kada se čini da prevladavaju torbofolk zvuci, pjevač ističe da svi stilovi postoje zbog publike i naroda. Upravo se publika nekada zabavlja uz rok, nekada uz narodnjake, a nekad uz disko tonove.

- Narod je uvijek u pravu i neka sluša ono što mu je volja. Svi stilovi su u modi približno desetak godina i onda se mijenja. U posljednjih dvadesetak bila je era narodnjaka. No, vidim da se mladi sve više okreću prema roku, a narodnjaci se sve manje slušaju. Znači, treba biti strpljiv - smatra Kalember.

U njegovu diskografiju upisani su brojni hitovi poput "Ana", "Vino na usnama", "Otkad si otišla"... Ističe da ni za jednu pjesmu nije posebno vezan. Jedino sada, nakon toliko vremena, kada čuje neke stare pjesme, neke mu zvuče dobro, a neke ne. Njegovu karijeru obilježili su brojni nastupi i koncerti širom Jugoslavije. Jednog koncerta posebno se sjeća.

- I stadionski i dvoranski nastupi svi su bili dobri. Jedino mi se jedan jako urezao u sjećanje. Bilo je to u Makedonoji, u Strumici, koji, zapravo, nije ni održan. Svirali smo na prepunom novom fudbalskom stadionu i u trećoj ili četvrtoj pjesmi naša ogromna tehnika izazvala je kvar u trafostanici. Pola grada, naravno i stadion, do jutra su ostali bez struje - prisjeća se Kalember.

Oduvijek je slovio za jednog od najzgodnijih muškaraca sa prostora bivše Jugoslavije. Mamio je uzdahe mnogih žena



gdje god bi se pojavio. No, Vlado to skromno komentira.

Dobro vrijeme

- Ono vrijeme, uz fenomen diskografije, imalo je i fenomen idolatrije. Bilo je to vrijeme postera, sličica i curica koje su morale imati nekog idola u kojeg su "zaljubljene". Znači, imali smo sreću što smo pogodili dobro vrijeme - kaže Kalember.

S česticom Anom Rucner vjenčao se 2006. da bi se 2014. razveli. Neko vrijeme se špekuliralo i o mogućem pomirenju. Ipak, Vlado i Ana su to demantirali, ali su svakako nastavili poslovno da sarađuju.

- Ana i ja imamo neraskidiv spoj, a to je naš sin Darian. Što se poslovne saradnje tiče, kao producent sam radio sve njene projekte pa nema razloga da ne radim i neke buduće. Živimo u vremenu kada se stvari ne popravljaju nego se, jednostavno, uzmu nove, a pokvarene bace - smatra Kalember.

Niko mi nije birao put

Starateljstvo nad sinom Darianom dobila je Vladina bivša supruga. No, to Kalembera ne sprečava da uvijek bude velika podrška svom sinu. Ističe da će tako ostati i kada bude birao svoj životni put.

- Meni niko nije birao put pa neću ni ja njemu. Bit ću uz njega, bilo kojim životnim putem krenuo i bilo kojim poslom da se bude bavio - kaže muzičar.

O planovima ne volim pričati

Kada smo ga pitali hoće li ga publika u BiH uskoro imati priliku slušati, Kalember kaže da se na svaki poziv, iz bilo kojeg kraja svijeta, vrlo rado odazove.

- O planovima, inače, ne volim pričati, jer se neki i ne ostvare pa ispadnem neozbiljan. U mojim godinama morate paziti i na to - ističe Kalember.

**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

Manipulacije i profitiranje na povratničkom čemeru



Povratnička populacija u Bosni i Hercegovini, odavno je jasno, jedna je od najugroženijih, ali i populacija s kojom se najviše manipuliralo i na njoj profitiralo. Od donatorskih sredstava, pa do državnog novca koji se izdvajao, desetine miliona odlazile su daleko od onih kojima su bila namijenjena. Pokazalo je to i istraživanje novinara portala Žurnal, prezentirano u dokumentarnom filmu Povratak, za koji su dobili i nagradu Evropske unije za istraživačko novinarstvo. Jedna od autorki filma je naša sagovornica Branka Mrkić - Radević.

Ekipa Žurnala, koju činite Dalibor Tanić i Vi, osvojila je nedavno nagradu Evropske unije za istraživačko novinarstvo, za film Povratak. To je značajno priznanje koje sa sobom nosi i određenu odgovornost. Kakve su Vaše impresije?

Mrkić - Radević: To je za nas stvarno, osim što je veliko priznanje, i velika odgovornost, obaveza, motiv da odgovorno i profesionalno radimo svoj posao i u budućnosti. Kada govorimo o nekim dojmovima nakon nagrade, htjela bih istaći jedno saopštenje koje je Žurnal izdao na svojoj stranici prije par dana, u kojem smo se osvrnuli na neke tvrdnje da je film Povratak plagijat nečijeg tuđeg rada. Uradili smo to kako bismo naše čitaoce uputili na jednostavan način kako mogu provjeriti vjerodostojnost našeg rada, jer film stoji već godinu

dana na našoj stranici. Bilo ko dobronamjerman zaista se može uvjeriti u to.

U filmu se dotičete jedne od najranjivijih kategorija bh. društva. Istovremeno, upravo je povratnička populacija bila na meti brojnih pronevjera, manipulacija. O tome se u bh. društvu šuti, mada se zna da je veliki novac bio u optjecaju, a koji je bio namijenjen upravo povratku. Do kakvih ste saznanja došli?

Mrkić - Radević: Mi smo na ovom filmu radili mjesecima, kolega Dalibor Tanić i ja. Kad se govori o povratku, toliko je materijala koji se može istražiti, novca koji je izdvajan za povratak, tako da smo se mi fokusirali na dio održivog povratka u Bosni i Hercegovini. Prema nekim podacima koji su i prije bili dostupni javnosti, naveli smo da je u nekom periodu od tri godine, 2007.-2010., izdvojeno blizu 153 miliona za ovu oblast održivog povratka, a naši sagovornici u filmu došli su tokom svog istraživanja, i naših zajedničkih, do zaključka da je tu pronevjeren blizu deset miliona konvertibilnih maraka.

Naravno da ne treba generalizovati. Veliki broj izbjeglica se vratio u svoje domove, institucije i međunarodna zajednica su pomogle u tome, ali isto tako je veliki broj pronevjera i nekih sumnjivih izdvajanja u oblasti povratka. Ono što je nama, kao novinarima, bilo čudno i bacalo sumnju na neka

od izdvajanja, jeste to što vi jednostavno do članova komisije koja je dijelila novac u okviru Ministarstva za ljudska prava ne možete doći. Oni ne žele razgovarati sa vama, tako da vi nemate tu mogućnost da oni objasne zbog čega je taj novac uložen na neka određena mjesta ili ne. Mogu vam spomenuti jedan konkretan primjer – na Sokocu postoji kolektivni centar, još uvijek. To su ljudi koji žive u barakama i to su uglavnom Srbi koji su izbjegli iz Federacije i koji još uvijek nisu dobili povrat svoje imovine.

U isto to vrijeme, dok oni žive na Sokocu, izdvajaju se milioni za obnovu crkava, za obnovu infrastrukture na Sokocu, i to iz tog fonda koji je namijenjen srpskim povratnicima. Tu su i primjeri izgradnje puteva, infrastrukture i nekih drugih objekata koji uopšte nisu u korist povratnika. I još jedan zanimljiv primjer: kolega i ja smo otišli u Kaljinu, to je naselje u blizini Sokoca, gdje je 2010. – to možda jeste mala suma, ali može biti ilustrativna – izdvojeno je 10.000 maraka za asfaltiranje puta do džamije. Kad smo mi 2014. otišli tamo, tog puta još uvijek nije bilo. Ali, kad vi tražite odgovor institucija da obrazlože zbog čega nema puta i gdje je otišao taj novac, ne možete dobiti te podatke, tako da to onda baca sjenu i sumnju i na sigurno mnogo dobrih stvari koje su urađene u oblasti povratka.

Ko su glavni akteri te manipulacije povratničkom populacijom i gdje su oni danas?

Mrkić - Radević: Ja bih rekla da glavnih aktera ima na svim nivoima vlasti u Bosni i Hercegovini. Imate primjer zloupotreba povratničkog novca opštinskih referenata u Kalesiji, o čemu su naši sagovornici govorili u filmu, a onda zatim sve do nekog najvišeg nivoa, primjera radi, u Ministarstvu za ljudska prava u komisiji koja je dijelila novac za povratnike u Bosni i Hercegovini. Gdje su oni? Oni su u javnom životu Bosne i Hercegovine, uglavnom političkom. Protiv devet članova komisije i direktora Fonda za povratak BiH, SIPA je još 2010. godine podnijela izvještaj Tužilaštvu BiH, međutim, Tužilaštvo nije odgovorilo, niti je podiglo optužnicu, niti je obustavilo istragu.

Mi smo tokom rada na filmu pokušali dobiti odgovor od SIPA-e i Tužilaštva, čak i od Visokog sudskog i tužilačkog vijeća, kako je moguće da godinama jedan predmet stoji bez ikakve reakcije, bez ikakvog rada na njemu, međutim, nismo uspjeli dobiti sagovornika. Uspjeli smo samo od VSTV-a dobiti odgovor da to nije u njihovom domenu, da oni ne mogu reagovati na to. U Tužilaštvu jednostavno nisu željeli razgovarati s nama, tako da je to razlog što ti ljudi nisu bili ni u prilici da opravdaju to za što su sumnjičeni. Neki od njih su nam rekli da je to za njih završena priča.

Mi smatramo da to nije završena priča i da ne može biti, jer je nedavno Ministarstvo za ljudska prava iznijelo podatak da je još blizu 100.000 interno raseljenih osoba u Bosni i Hercegovini. Mislim da se o tome mora govoriti sve dok svi ti ljudi ne povrate svoju imovinu.

Dvadeset godina nakon rata – i dalje govorimo o povratničkoj populaciji. Zašto? Jesu li se za sve ove godine ljudi mogli vratiti u svoje i obnovljene domove, ali i imati adekvatnu potporu iz ovih programa koji se popularno nazivaju 'održivi povratak'?

Mrkić - Radević: Jedan dobar dio njih sigurno jeste. Kažem, ne možemo sada generalizovati i ne treba generalizovati. Ne tvrdim da institucije ne rade nikako svoj posao. Međutim, ono što sam ja vidjela na terenu i što mogu reći iz svog iskustva, jedan značajan broj ljudi nije mogao. To su ljudi koji nisu dobili svoju imovinu, nisu se vratili. Na primjer, u Lukavici, kad smo radili priču o izbjegličkom centru u Lukavici, u kasarni, žena koja je tamo živjela sa djetetom, danima nas je kontaktirala i pitala kome bi ona mogla dati novac da dobije stan koje je opština u tom trenutku za povratnike namjenjivala.

Na Sokocu smo također imali primjer sagovornice koja ne želi da se vrati u Olovo, zato što misli da bi je ova druga strana ubila tokom noći, tako da vi imate red tog straha od drugog, red tih pronevjera. Imate ljude koji žive u barakama, bez struje, bez tekuće vode, nemaju dovoljno sredstava za život. Jedan dobar dio njih je izgubio nadu da će nekad uopšte normalno živjeti. Kad vi to sve spojite, dobijete jednog sluđenog čovjeka povratnika, koji uopšte ne zna kome bi se obratio. Sigurno je da jedan broj ljudi nije ostvario svoja prava.

Da li bi danas bilo nešto drugačije da je ostvaren istinski povratak?

Mrkić - Radević: Sigurno da bi bilo drugačije, ne samo za povratnike. Ni dvadeset godina od završetka rata taj povratak nije do kraja završen. Po meni, taj odnos prema povratnicima govori o odnosu prema generalno ugroženim kategorijama u Bosni i Hercegovini, prema poštivanju ljudskih prava u Bosni i Hercegovini koja se poštuju selektivno i nedosljedno, tako da ne mogu razdvojiti taj odnos prema povratnicima i drugim ugroženim kategorijama. Postoje zakonski alati, međutim, očito da nisu dovoljni da ove ugrožene kategorije zaštite.

Šta je ono što je Vas najviše dojmilo, naročito kada ste razgovarali s povratničkom populacijom, ali i sa ljudima koji na neki način istupaju u njihovo ime, a što oslikava tu paradoksalnu situaciju iz ugla povratnika?

Mrkić - Radević: To su ljudi koji su zaista unesrećeni. To su ljudi kod kojih nemate čak ni onu ljutnju, što me najviše pogodilo. U barakama na Sokocu imate ljude koji su se toliko pomirili s tim, imate djecu koja su tu rođena, žive u XXI vijeku, i dalje nemaju tekuću vodu, imaju struju razapetu preko nekih kablova, u životnoj su opasnosti od te struje. Najviše me pogodilo što sam kod dijela njih primijetila neku apatiju, neki očaj, čak više ne vjeruju da će normalno živjeti. S druge strane imate te ljude koji su dijelili taj novac i koji potpuno zaštićeno mogu čak i da ne odgovaraju zbog toga gdje je taj novac.

Taj nesrazmjer između te dvije grupe – evo primjer iz Kalesije – da ilustruje taj nesrazmjer. Kad smo bili u Kalesiji, jedan od naših sagovornika nas je odveo na mjesto gdje je izgrađen put za kuću jednog zvaničnika umjesto puta do izbjegličkog naselja. I nakon tog snimanja, on nas je sutradan nazvao jer mu je policija došla na vrata. Taj dužnosnik mu je poslao policiju da on obrazloži koja je to novinarska ekipa snimala taj put, zbog čega, gdje će to biti emitovano. To je taj nesrazmjer između te dvije kategorije.

PAKAO SAJENTOLOŠKE CRKVE

Tom Cruise se zbog religije odrekao i rođene kćerke

Holivudski glumac Tom Cruise već godinu dana nije vidio svoju kćerku Suri.

Kako se navodi, postoje sumnje da Tom izbjegava kćerku, jer ju je sajentološka crkva kojoj on pripada proglasila "nepoželjnom".

Sam Cruise priznao je da svoju kćerku nije vidio mjesecima jer je snimao peti dio filma "Nemoguća misija" u Londonu, ali da je brojao sate u želji da je što prije ponovo vidi.

Ipak, dvije nedjelje nakon što se snimanje završilo, Tom nije posjetio svoju kćerku, a prijatelji njegove bivše žene Katie Holmes tvrde da je situacija još gora.


Naime, izvori bliski Katie tvrde da Tom nije vidio osmogodišnju Suri gotovo godinu dana, kao i da je razlog tome taj što je Suri, zajedno sa svojom majkom proglašena "nepoželjnom" u krugovima sajentološke crkve.



Sajentolozi su ove optužbe odbacili kao netačne. Cruiseov predstavnik za štampu tvrdi kako ove izjave nisu istinite, i kako je Tom svoju kćerku viđao daleko od očiju javnosti.

Podsjetimo, nedavno je izašao dokumentarni film o sajentološkoj crkvi koji je razotkrio mnoge tajne vezane za njegove članove.

Tom Cruise je već nedjeljama pod lupom javnosti zbog navodne ljubavne veze s kolegom, Johnom Travoltom.



U avionskoj nesreći preminuo kompozitor muzike "Titanika"



Dvostruki osvajač oskara koji je komponirao muziku za kulturni film „Titanik, te je učestvovao u produkciji tri filma „Zvezdane staze“, „Preljepi um“ i „Apolo 13“ James Horner poginuo je u avionskoj nesreći u blizini Santa Barbare.

Informacije o smrti 61-godišnjeg Hornera potvrdila je njegova asistentica Sylvia Patrycja.

Horner je pilotirao malim avionom koji je pao oko 80 kilometara sjeverno od Santa Barbare, potvrdili su zvičnici.

U svijetu filma bio je poznat po tome što je u svoju muziku često ubacivao keltske elemente.

Selena Gomez najavila novi singl sexy fotkom u muškoj majici



U pjesmi se pojavljuje i slavni reper ASAP Rocky. Selena je objavila prvi vizual za ovaj singl na kojem izgleda zaista zanosno. Tamnokosa ljepotica na fotografiji pozira na drvenom stolcu, mokre kose, odjevena samo u mušku bijelu majicu.

Čini se da će juli biti odličan mjesec za mladu pop pjevačicu koja je nedavno potpisala i vrtoglavi ugovor s tvrtkom Pantene te postala novo zaštitno lice njihovih šampona.

Razlaz od Marije bio mi je najveći promašaj u životu

Arnold Schwarzenegger (67) kazao je u showu Howarda Sterna da je njegov razlaz od Marije Shriver (59) bio jedan od najvećih promašaja u njegovom životu.

- Bez ikakve sumnje to mi je najveći neuspjeh u životu i ne samo to, nego osjećam i da je sve moja krivica. Ja sam taj koji je zeznuo - kazao je glumac.

Arnold je suprugu prevario s kućnom pomoćnicom s kojom ima sina Josepha (17).

- Bilo je to apsolutno kontraproduktivno za našu vezu. Nisam dužan nikome ništa objašnjavati. Ispričao sam se Mariji. Ispričao sam se djeci - rekao je Schwarzenegger koji sa Shriver ima kćeri Katherine (25) i Christinu (23) te sinove Patricka (21) i Christophera (17). Arnold se osvrnuo i na Patrickovu vezu s Miley Cyrus (22). Kazao je da bi u normalnim okolnostima bio nervozan, ali nije zbog dva razloga.

- Jedan od njih je da su moja djeca snažna i odgojena. Tačno znaju koliko daleko mogu ići. Trebaju imati avanturistički duh i upoznavati nove ljude, tako da nisam bio zabrinut.

Drugi razlog je taj da sam saznao da je Miley fantastična osoba kad sam ju upoznao - zaključio je.



**OVAN** (21.03 - 20.04)

Ljubav: Nesporazumi koji vas prate u ljubavnom životu nisu beznačajni, ali ne predstavljaju ni temu koju treba uporno ponavljati. Zdravlje: Napeti ste, pa će vam pasati psihološko opuštanje.

**BIK** (21.04 - 20.05)

Ljubav: Osjećate se nekako zapostavljeno. Čini vam se da je trenutno situacija takva da vam partner posvećuje premalo pažnje, a to vas rastužuje i pomalo ljuti. Zdravlje: Odgovaraće vam relaksacija.

**BLIZANCI** (21.05 - 20.06)

Ljubav: Ljubav dobija na važnosti. Ukoliko ste slobodni, pravi je trenutak da otpočnete vezu. Ukoliko ste zauzeti uživajte u postojećem odnosu. Zdravlje: Osjećate se odlično.

**RAK** (21.06 - 20.07)

Ljubav: Smeta vam osjećaj monotonije koja se nazire u odnosu s voljenom osobom i dojam da ste iznenada zapostavljeni u nečijim planovima. Zdravlje: Tokom mjeseca će vas pratiti blaga nervoza.

**LAV** (21.07 - 21.08)

Ljubav: Bez obzira na svoj emotivni status i godine, prihvatite igru zavodjenja ili nečiju poruku. Odgovarat će vam novi emotivni kontakti. Zdravlje: U dobroj ste formi.

**DJEVICA** (22.08 - 22.09)

Ljubav: Potreban vam je trenutak inspiracije kako biste pokrenuli lavinu nečijih osjećaja i osjetili sreću. Zdravlje: U sjajnoj ste psihofizičkoj formi.

**VAGA** (23.09 - 22.10)

Ljubav: Nažalost, ljubavna zbivanja nisu po vašem ukusu. Partner vam jasno daje do znanja da ima svoje planove i ne želi slušati vaše ideje. Zdravlje: Izbjegavajte konfliktne situacije i velika opterećenja.

**ŠKORPIJA** (23.10 - 22.11)

Ljubav: Još uvijek se igrate. Ne znate na koju biste stranu pa ćete u toku mjeseca malo više flertovati, a malo manje se ozbiljnije pozabaviti mogućim vezama. Zdravlje: Usmjerite misli u pozitivnom smjeru.

**STRIJELAC** (23.11 - 20.12)

Ljubav: Osjećate se pomalo prazno i čini vam se da voljena osoba ne može svojim prisustvom popraviti stvari. Poradite na postojećim odnosima. Zdravlje: Trenutno fizičko stanje vam je sjajno.

**JARAC** (21.12 - 19.01)

Ljubav: Pred voljenom osobom pokušavate djelovati tajanstveno, ali ne uspijevate prikriti svoje pravo raspoloženje ili emocije koje potiskujete u sebi. Zdravlje: Potreban vam je kreativan odmor.

**VODOLIJA** (20.01 - 18.02)

Ljubav: Stvari koje vama izgledaju zanimljivo, partner promatra s određenom dozom nepovjerenja i ima drugačije stavove. Opustite se. Zdravlje: Obratite pažnju na zdravlje, posebno na ishranu.

**RIBA** (19.02 - 20.03)

Ljubav: Partner s nestrpljenjem očekuje da mu posvetite emotivnu pažnju, pa uživajte u zajedničkim trenucima nježnosti. Zdravlje: Ovog mjeseca ćete biti puni energije.

Mala riznica velikih misli



Ivan Mažuranić (1814 - 1890)

Između sluga i gospodara, roba i gospodina ne ima jednakosti, ne ima slobode, ne ima bratimstva. Ne ima blagoslova, nego prokletstvo.



Mahatma Gandhi (1869 - 1948)

Ma koliko bila okorjela nečija ćud, rastopit će se na vatri ljubavi. Ako se pak ne promjeni, to znači da vatra nije bila dovoljna jaka.



Honoré de Balzac (1799 - 1850)

Slava je otrov koji treba uzimati u malim dozama.



Fjodor Mihajlovič Dostojevski (1821 - 1881)

Ništa na svijetu nije teže od iskrenosti i nema ništa lakše od laskanja.



Johann Wolfgang von Goethe (1749 - 1832)

Ljude ne upoznajemo kada oni dolaze nama, moramo otići njima da bismo saznali kakvi su.

RAMAZAN 2015

Na Islandu vjernici poste više od 22 sata, na Balkanu 18, u Argentini devet

Sveti muslimanski mjesec ramazan je vrijeme u kojem muslimanski vjernici poste od ranog jutra, zore, do zalaska Sunca. Ipak, kao i svake godine i ovaj put u pojedinim dijelovima svijeta vjernici će postiti znatno duže od nekih na drugom kraju svijeta.

Tako će, na primjer, prvog dana ramazana vjernici u islandskom gradu Reykjaviku postiti 22 sata i 34 minute, dok će najkraći post biti u Argentini i to manje od devet sati. Vjernici u zemljama Balkana će prvog dana ramazana postiti oko 18 sati, javlja Anadolija.

Prvog dana ramazana najduže će postiti muslimani u gradu Reykjaviku na sjeveru Islanda, i to 22 sata i 34 minute, dok je najkraći post u gradu Ushuaia u Argentini gdje će muslimanski vjernici prvog dana postiti 8 sati i 57 minuta.

Muslimanski zvaničnici u skandinavskim zemljama saopćili su da će muslimani koji žive u sjevernim dijelovima Švedske i Norveške tokom predstojeće ramazana postiti i do 22 sata.

Turski savjetnik za vjerska pitanja u Švedskoj Fatih Mehmet Karaca je izjavio da će, kako nalažu vjerska pravila, muslimani koji žive u najudaljenijim sjevernim gradovima Švedske i Norveške tokom predstojećeg ramazana postiti oko 22 sata.

Napomenuo je da će, primjerice, muslimani u gradu Kiruna na sjeveru Švedske, i u norveškom Tromsu postiti oko 22 sata. Muslimani u drugim gradovima u skandinavskim zemljama, poput Štokholma, Osla, Kopenhagena i Helsinkija, postit će oko 20 sati.

Karaca je istakao kako je u Stockholmu održan sastanak predstavnika Evropskog vijeća za fetve kako bi se odredilo vrijeme posta. Na sastanku je usaglašeno da se zbog dužine posta u pojedinim gradovima na sjeveru Švedske i Norveške teravijah namaz može klanjati u osam rekata.

Muslimani koji žive još sjevernije suočavaju se s drugim problemom, a to je da Sunce ne zalazi uopće, pa zbog toga moraju praviti vještačke proračune o dužini posta.



su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

5	3	7	6	9	2	4	8	1
4	9	8	3	1	7	5	6	2
2	6	1	4	5	8	7	9	3
7	5	3	8	2	9	6	1	4
8	4	9	1	6	5	2	3	7
6	1	2	7	4	3	8	5	9
9	2	6	5	7	1	3	4	8
1	8	5	2	3	4	9	7	6
3	7	4	9	8	6	1	2	5

6					1	5		
			3	2		7		
	3			5		8		
5			7	6	8			
			5	4	9			2
		4		8			1	
		1		9	3			
		8	6					3

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:
 Europa Magazine (pretplata), P.O. Box 867, Lawrenceville, GA 30046-0867
 E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____



E-mail: redakcija@europamagazine.info • Tel: 678.743.5731
 Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



Polagao Mujo za pilota, položio i leti svoj prvi samostalan let. Uživa, sav je presretan.

Radio vezom sa tornja pitaju:

- Molimo vas da nam date svoju visinu i položaj, ponavljam, molim da mi javite svoju visinu i položaj!

Mujo:

- Metar i osamdeset. Sjedim.



Utrči Haso u kafić:

- Mujo! Neko ti je ukrao auto!
- Jesi li vidio ko je to bio? - upita Mujo.
- Ne, ali zapisao sam registraciju. - odgovori Haso.



Učiteljica dadne temu: "Ima samo jedna mama"

Maja napiše da se udarila po prstu i da je mama poljubila prst i da je prošlo, ima samo jedna mama.

Perica napiše da je njegova mama pravila palačinke i poslala njega da ponese dvije tegle eurokrema iz frižidera, a on je

viknuo: Ima samo jedna, maaaaaa!



Ulazi baba u autobus i pokazuje konduktoru đaćku mjesečnu kartu.

Kondukter:

- Izvinite, ali to je đaćka karta.
- E sinko, sad i ti znaš koliko dugo sam čekala autobus! - odgovara baba.



Vraća se Haso pripit uvečer kući i Fata ga bijesno dočeka na vratima:

- Tako dakle, u tri ujutro se vraćaš kući?
- Ko kaže da se vraćam, samo sam doš'o po gitaru!



Muškarci kažu:

- Žene, ne uzbuđujte se previše ako trčimo za vama... trčimo i za loptom i na kraju je ipak šutnemo...

Ženski odgovor:

- Muškarci, ne uzbuđujte se ako vam kažemo da smo zaljubljene u vas, zaljubimo se i u cipele pa si nabavimo još 15 pari.

vicevi

MALI OGLASI

Europa magazin Vam nudi besplatne privatne male oglase do 20 riječi.
Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodajem stan u centru Zenice sa 2 balkona, potrebna adaptacija. Cijena po dogovoru. Tel: 718 545 7783

Prodajem trosoban stan 83m2 na trećem spratu u Lukavcu. Tel: 904 514 2133

Prodajem kuću sa dvosobni stanom 62m2 i sa poslovnim prostorom 32m2 u centru Zenice. Vlasništvo 1/1. Cijena 90.000 KM. Tel: 011387-66-266-080

Izdajem trosoban stan u Lawrenceville-u, Ga 30046 Nazvati od 12-6. Tel: 678-793-5400

Razno

Prodaja

Prodajem zemljište u Dobrim Vodama, Bar blizu plaže sa građevinskom dozvolom, 226m2. Cijena po dogovoru. Tel: 718 545 7783

Izdajem trosoban stan u Sarajevu (Alipašino Polje, "A" faza) na vremenski period od 2-5 godina. Tel: 314 488 1798

Prodajem dvosoban stan od 50 m2 u Zenici (Crkvice 35), 8 sprat u vidjenom stanju. Vlasništvo 1/1. Cijena 60.000 km u neto iznosu. Tel: 011 387 32 227 865 (Zenica) ili 904 733 0813 (Florida).

Prodajem kuću na sprat 117m2 u Novom Travniku, centar grada. Mali poslovni prostor. Cijena po dogovoru. Tel: 01149 703 123 5002

Prodajem kuću u Ugljeviku, 200m2 vrlo povoljno. Kuća se nalazi u centru Ugljevika. Tel: 206-383-5981 ili 011387-65-658-516

Prodajem dvosoban stan u Tuzli 66m2, Brčanska malta. Cijena 85000KM, Tel 011387-61-729 631, 011387-61-481-644

Upoznao bih ženu, bosanku, staru do 60. godina radi druženja. Tel: 314-484-5049

Živim u Njemačkoj sa bratom. Željela bih upoznati muškarca 60-ih godina radi druženja i braka. Tel: 01149-703-123-6738

Živim u U.S.A. država Teksas i željela bih upoznati slobodnog muškarca koji živi ovdje u U.S.A. od 55 godina radi zajedničkog druženja i mogućeg braka. Tel: 469-449-7095

Živim u Phoenix, AZ, USA. Volio bih upoznati slobodnu ženu 29-39 godina radi druženja i braka. Tel. (602) 317-0956

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731



E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic Design Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM



 **\$1.290**

AUTOMOBIL

 **\$1.390**

SUV/VAN

 **\$690**

MOTOR

 **\$790**

JET SKI/ATV

 **\$99**

PAKET

 **od \$100**

NAMJEŠTAJ
(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271